

千金要方

卷六十一之六十六
膀胱腑 消渴 淋閉 疔腫 癰疽



孫真人備急千金要方卷之六十一

宋朝奉郎守太常少卿充秘閣校理林億等校正

膀胱腑論第一

論曰膀胱者主腎也耳中是其候也腎合氣於膀胱膀胱者津液之腑也號水曹掾名玉海重九兩二銖左回疊積上下縱廣九寸受津液九升九合兩邊等應二十四氣鼻空在外膀胱漏泄

黃帝曰夫五臟各一名一形腎乃獨兩何也岐伯曰膀胱為腑有二處腎亦二形應腑有二處臟名一腑名二故五臟六腑也一說腎有左右而膀胱無二今用當以左腎合膀胱右腎合三焦

左手關後尺中陽絕者無膀胱脉也病苦逆冷婦人月使不調
王月則閉男子失精尿有餘瀝刺足少陰經治陰在足內踝下
動脉是也

右手關後尺中陽絕者無子戶脉也病苦足逆寒絕產帶下無
子陰中寒刺足少陰經治陰

左手關後尺中陽實者膀胱實也病苦逆冷脅下邪氣相引痛
刺足太陽經治陽在足小趾外側本節後陷中

右手關後尺中陽實者膀胱實也病苦小腹滿引腰痛刺足太
陽經治陽

病先發於膀胱者背脊筋痛小便閉五日之腎小腹腰脊痛脛
痠一日之小腸脹一日之脾閉塞不通身痛體重二日不已死

冬雞鳴夏下晡

一云
日夕

膀胱病者小腹偏腫而痛以手按之則欲小便而不得肩熱
若脉陷及足小趾外側及脛踝後皆熱若脉陷取委中

膀胱脹者小腹滿而氣癢

腎前受病傳於膀胱腎欬不已欬則遺溺

厥氣客於膀胱則夢遊行

腎應骨蜜理厚皮者三焦膀胱厚粗理薄皮者三焦膀胱薄
理疎者三焦膀胱緩急皮而無毫毛者三焦膀胱急毫毛美而
粗者三焦膀胱直稀毫毛者三焦膀胱結也

扁鵲云六腑有病徹面形腎膀胱與足少陰太陽為表裏膀胱
總通於五臟所以五臟有疾即應膀胱膀胱有疾即應胞囊傷

熱則小便不通膀胱急赤苦黃赤傷寒則小便數清白或發石
水根在膀胱四肢小其腹獨大也方見治水篇中骨絕不治齒黃落十
日死足太陽之脉起於目内眦上額交巔上其支者從巔至耳
上角其直者從巔入絡腦還出别下項循肩膊内俠脊抵腰中
入循脊絡腎屬膀胱其支者從腰中下會於後陰下貫臀入膕
中其支者從膕内左右别下貫腓一作過髀樞循髀外後廉下
合膕中以下貫膕内出外踝之後循京骨至小指外側是也動
則病衝頭痛目似脫項似拔脊痛腰似折髀不可以曲一作膕
如結膕如列是為蹠厥是主筋所生病者痔瘡狂癲疾頭腦項
痛目黃淚出軌衄項背腰尻膕膕脚皆痛小指不用盛者則人
迎大再倍於寸口虛者則人迎反小於寸口也

膀胱虛實第二

脉四條
灸法一首

方六首

膀胱實熱

左手尺中神門以後脉陽實者足太陽經也病苦逆滿腰中痛
不可俛仰勞也名曰膀胱實熱也

右手尺中神門以後脉陽實者足太陽經也病苦胞轉不得小
便頭眩痛煩滿脊脊強名曰膀胱實熱也
治膀胱實熱方

石膏

梔子仁

茯苓

知母

蜜

淡竹葉

生地黄

右七味各二兩以水七升煮取二升去滓下蜜煮二沸分三服

須利加芒消三兩

小丘山房

喬氏世定刻行

治膀胱熱病不已舌乾咽腫方

蜜七升麻

大青各三

射干

生玄參 黃蘗

薔薇根白皮各四

右七味以水七升煮取一升去滓下蜜煮二沸細細含之

膀胱虛冷

左手尺中神門以後脉陽虛者足太陽經也病苦脚中筋急腹中痛引腰背不可屈伸轉筋惡風偏枯腰痛外踝後痛名曰膀胱虛冷也

右手尺中神門以後脉陽虛者足太陽經也病若肌肉振動脚中筋急耳聾忽忽不聞惡風颼颼作聲名曰膀胱虛冷也
治膀胱虛冷飢不欲飲食面黑如炭腰脅疼痛方

磁石六兩 黃耆

茯苓各三兩 五味子

杜仲各四兩 白朮

白石英各五兩

右七味㕮咀以水九升煮取三升分三服

治膀胱冷欬唾則有血喉鳴喘息方

羊腎一具 人參 玄參 黃耆

桂心 芎藭 甘草各三兩 茯苓四兩

地骨皮 生薑各五兩 白朮六兩

右十一味㕮咀以水一斗二升先煮羊腎減三升去腎下藥

煮取三升去滓分為三服

龍骨圓治膀胱腎冷坐起欲倒目眩氣不足骨痿方

龍骨 栝子仁 乾地黄 甘草

防風各五分

黃耆

禹餘糧

白石英

桂心

茯苓各七分

五味子

羌活

人參

附子各六分

山茱萸

玄參

芎藭各四分

磁石

杜仲

乾薑各八分

右二十味為末蜜丸如梧子大空腹酒服三十九日二加至四十九

治膀胱寒小便數漏精稠厚如米白泔方

赤石脂

白石脂五分

乾地黄三分

茯苓六分

赤雄雞腸

雞臍脰兩具

桑螵蛸

牡蠣

龍骨

黃連各四分

右十味治下篩內雞腸及臍脰中縫塞蒸令熟曝乾合搗為

散以酒和服方寸七日三

治膀胱方

灸之如腎虛法

胞囊論第三

論一首 灸法八首 方十六首

論曰胞囊者腎膀胱候也貯津液并尿若臟中熱病者胞澀小便不通尿黃赤若腑中寒病者胞滑小便數而多白若至夜則尿偏甚者夜則內陰氣生故熱則瀉之寒則之不寒不熱依經調理則病不生矣

凡尿不在胞中為胞屈僻津液不通以葱葉除尖頭內陰莖孔中深三寸微用口吹之胞脹津液大通即愈

榆皮通滑泄熱煎治腎熱應胞囊澀熱小便黃赤苦不通方

小丘山房

卷之六上

五

喬氏世定刻行

榆白皮

赤蜜

葵子各一升

滑石

通草各三兩

車前子五升

右六味呖咀以水三斗煮取七升去滓下蜜更煎取三升分三服婦人難產亦同此方

滑石湯治膀胱急熱小便黃赤方

滑石八兩

子苓三兩

車前子

炙葵子一升

榆白皮四兩

右五味呖咀以水七升煮取三升分三服

治虛勞尿白濁方

右取榆白皮切二斤水二斗煮取伍升分五服

又方擣乾羊骨為末服方寸七日二

又方灸脾輸一百壯○又灸三焦輸百壯 又灸腎輸百壯

又灸章門百壯在季肋端

凡飽食後或忍小便或走馬或忍小便大走及入房皆致胞轉臍下急滿不通治之方

右用亂髮急纏如兩拳大燒為末醋四合和二方寸七服之訖即炒熟黑豆葉躡坐上

治胞轉方

石膏一兩

葵子

通草

甘草各二兩

鬼箭三兩

滑石四兩

榆白皮一升

右七味呖咀以水一斗煮取三升分三服

治大夫婦人胞轉不得小便八九日者方

小丘山房

喬氏世定刻行

葵子升一

滑石

寒水石各一

右三味吹咀以水一斗煮取五升分三服

治胞轉小便不得方

葱白四七

阿膠一兩

琥珀二兩

車前子一升

右四味吹咀以水一斗煮取三升分三服

又方阿膠三兩水二升煮取七合頓服

又方豉五合以水三升煮數沸頓服之

又方麻子煮取汁頓服之

又方連關燒灰水服之

又方筆頭燒灰水服之

又方燒死蜣螂二枚末水服之

又方內白魚子莖孔中

又方酒和猪脂雞子大頓服之

治腰痛小便不利若胞轉方

灸玉泉七壯穴在關元下一寸大人從心下度取八寸是

玉泉穴小兒斟酌以取之 又灸第十五椎五十壯 又

灸臍下一寸 又灸臍下四寸各隨年壯

三焦脉論第四

論曰夫三焦者一名三關也上焦名三管及射中焦名霍亂下

焦名走哺合而為一有名無形主五臟六腑往還神道周身貫

體可聞不可見和利精氣決通水道息氣腸胃之間不可不知

也三焦名中清之腑別號玉海水道出屬膀胱合者雖合而不

同上中下三焦同號為孤腑而榮出中焦衛出上焦榮者絡脉之氣道也衛者經脉之氣道也其三焦形相厚薄大小並同膀胱之形云

三焦病者腹脹氣滿小腹尤堅不得小便若急溢則為水留則為脹候在足太陽之外大絡在太陽少陽之間亦見于脉取委陽

小腹腫痛不得小便邪在三焦約取大陽大絡視其結脉與厥陰小絡結而血者腫上及胃管取三里

三焦脹者氣滿於皮膚殼殼而不堅疼一云勢而堅

久欬不已傳之三焦欬而腹滿不欲飲食也手少陽之脉起於小指次指之端上出兩指之間循手表腕出臂外兩骨之間上

貫肘循臑外上肩而交出足少陽之後入缺盆交膻中散絡心胞下膈徧屬三焦其支者從膻中上出缺盆上項俠耳後直上出耳上角以屈下額至頰其支者從耳後入耳中出走耳前過客主人前交頰至目兌皆是也動則病耳聾焯焯焯焯嗑痺是主氣所生病者汗出目兌皆痛頰腫耳後肩臑肘臂外皆痛小指次指不用為此諸病盛則瀉之虛則補之熱則疾之寒則留之陷下則灸之不盛不虛以經取之盛者人迎大再倍於寸口虛者人迎反小於寸口也

三焦虛實第五 論三首 方十八首 灸法七首

論曰夫上焦如霧霧者霏霏起上也其氣起於胃上管難經甲一葉源作上口並

咽以上貫膈布胃中走腋循足太陽之分而行還注於手陽明

上至舌下注足陽明常與榮衛俱行於陽二十五度行於陰二十五度為一周日夜五十周身周而後始大會於手太陰也主手少陽心肺之病內而不出人有熱則飲食下胃其氣未定汗則出或出於面或出於皆身中皆熱不循衛氣之道而出者何也此外傷於風內開腠理毛蒸理泄衛氣走之固不得循其道此氣慄悍滑疾見開而出故不得從其道名曰漏氣其病則肘攣痛食先吐而後下其氣不續隔間厭悶所以飲食先吐而後下也寒則精神不守泄下便利語聲不出若實則上絕於心若虛則引氣於肺也

澤瀉湯通脈瀉熱治上焦飲食下胃胃氣未定汗出面皆身中皆熱名曰漏氣方

澤瀉

半夏

柴胡

生薑

桂心

甘草

茯苓

人參

地骨皮

石膏

竹葉

葶藶

右十二味以水二斗煮取六升分五服

一云水一斗煮取三升分三服

麥門冬理中湯治上焦熱腹滿不欲飲食或食先吐而後下肘攣痛方

麥門冬

生蘆根

竹茹

廩米

葶藶

甘草

茯苓

橘皮

人參

菱麩

生薑

白朮

右十二味以水一斗五升煮取三升分三服

治胃中膈氣聚痛好吐方

小丘山房

喬氏世定刻行

右灸厥陰輸穴在第四椎兩邊各相去一寸五分隨年壯黃耆理中湯治上焦虛寒短氣不續語聲不出方

黃耆

桂心各二兩

五味子

桔梗

乾薑

茯苓

甘草

芎藭

丹參

杏仁各四兩

各三兩

右十味呔咀以水九升煮取三升分為三服

黃連圓治上焦冷下痢腹內不安食好注下方

黃連

烏梅肉各八兩

桂心二兩

乾薑

附子

阿膠各四兩

檉皮

芎藭

黃蘗各三兩

右九味為末蜜丸如梧子大飲下二十九加至三十九

厚朴湯治上焦閉塞乾嘔嘔而不出熱少冷多好吐白沫清涎吞酸方

厚朴

茯苓

芎藭

白朮

玄參各四兩

桔梗

附子

人參

橘皮各三兩

生薑八兩

吳茱萸八兩

右十一味呔咀以水二斗煮取五升分為五服

論曰中焦如漚漚者在胃中如漚也其氣起於胃中管難經作中口甲乙巢源作胃口在

上焦之後此受氣者主化水穀之味秘糟粕蒸津液化為精微

上注於肺脉乃化而為血奉以生身莫貴於此故獨得行於經

隧名曰榮氣主足陽明陽明之別號曰豐隆在外踝上去踝入

寸別走太陰絡諸經之脉上下絡太倉主腐熟五穀不吐不下

實則生熱熱則閉塞不通上下隔絕虛則生寒寒則腹痛洞泄
便痢霍亂主脾胃之病夫血與氣異形而同類衛氣是精血氣
是神故血與氣異名同類焉而脫血者無汗此是神氣奪汗者
無血此是精氣故人有兩死刪繁作死而無兩生猶精神之氣隔
絕也若虛則補於胃實則瀉於脾調其中和其源萬不遺一也
大黃瀉熱湯開關格通隔絕治中焦實熱閉塞上下不通隔絕
關格不吐不下腹滿膨膨喘急方

蜀大黃

一切以水
一升浸

黃芩

澤瀉

升麻

芒消

各三
兩

羚羊角

梔子

各四
兩

生玄參

兩八

地黄汁

升一

右九味㕮咀以水七升煮取二升三合下大黃更煮兩沸去

滓下消分三服

藍青圓治中焦熱水穀下痢方

藍青汁

升三

黃連

兩八

黃蘗

兩四

烏梅肉

地膚子

地榆

白朮

各二
兩

阿膠

兩五

右八味為末以藍青汁和微火煎丸如杏人大飲服三九日

二七月七日合大良當併手丸之

黃連煎治中焦寒洞泄下痢或因霍亂後瀉黃白無度腹中虛

痛方

黃連

酸石榴皮

地榆

阿膠

各四
兩

黃蘗

當歸

厚朴

乾薑

各三
兩

右八味㕮咀以水九升煮取三升去滓下阿膠更煎取烱分

小丘山房

十八卷六十一

二喬氏世定刻行

三服

治四肢不可舉動多汗洞痢方

右灸大橫隨年壯穴在俠臍兩邊各二寸五分

論曰下焦如瀆瀆者如溝水決洩也其氣起胃下管別回腸注於膀胱而

滲入焉故水穀者常并居於胃中成糟粕而俱下於大腸主足

太陽灌滲津液合膀胱主出不主入別於清濁主肝腎之病候

也若實則大小便不通利氣逆不續嘔吐不禁故曰走哺若虛

則大小便不止津液氣絕人飲酒入胃穀未熟而小便獨先下

者何蓋酒者熟穀之液也其氣悍以滑故後穀入而先穀出也

所以熱則瀉於肝寒則補於腎也

柴胡通塞湯治下焦熱大小便不通方

柴胡

羚羊角

黃芩

橘皮

澤瀉各三兩

香豉一升別盛

生地黄一升

芒消二兩

梔子四兩

石膏六兩

右十味呖咀以水一斗煮取三升去滓內芒消分三服

赤石脂湯治下焦熱或下痢膿血煩悶恍惚方

赤石脂八兩

烏梅二十枚

梔子十四枚

廩米一升

白朮

升麻各三兩

乾薑二兩

右七味呖咀以水一斗煮米取熟去米下藥煮取二升半分

為三服

止嘔人參湯治下焦熱氣逆不續嘔吐不禁名曰走哺方

人參

萎蕤

黃芩

知母

小丘山房

卷之二

喬氏世定刻行

扶苓 各三兩

生蘆根

梔子仁

白朮

橘皮 各四兩

石膏 八兩

右十味呶咀以水九升煮取三升去滓分三服

香豉湯治下焦熱毒痢魚腦雜痢赤血臍下小腹絞痛不可忍

欲痢不出方

香豉

薤白 各一升

黃連

黃蘗

白朮

茜根 各三兩

梔子

黃芩

地榆 各四兩

右九味呶咀以水九升煮取三升分三服

治膀胱三焦津液下大小腸中寒熱赤白泄痢及腰脊痛小便不利婦人帶下方

右灸小腸輸五十壯

黃蘗止洩湯治下焦虛冷大小便洞泄不止方

黃蘗

人參

地榆

阿膠 各三兩

黃連 五兩

扶苓

檉皮 各四兩

艾葉 一升

右八味呶咀以水一斗煮取三升去滓下膠消分三服

人參續氣湯治下焦虛寒津液不止短氣欲絕方

人參

橘皮

扶苓

烏梅

麥門冬

黃耆

乾薑

芩蘄 各三兩

吳茱萸 三合

桂心 二兩

白朮

厚朴 各四兩

右十二味呶咀以水一斗二升煮取三升分三服

扶苓圓治下焦虛寒損腹中瘀血令人喜忘不欲聞人語胃中

噎塞而短氣方

茯苓

乾地黄

當歸各八分

甘草

乾薑

人參各七分

黃耆各六分

芎藭五分

桂心四分

厚朴三分

杏仁五十枚

右十一味為末蜜丸如梧子初服二十九加至三十九為度

日二清白飲下

伏龍肝湯治下焦虛寒損或先見血後便轉此為近血或利不利方

伏龍肝

五合

乾地黄

五兩一方用黃蘗

阿膠

牛膝

一作牛勞根

甘草

乾薑

黃芩

地榆

各三兩

髮灰二合

右九味以水九升煮取三升去滓下膠煮消下髮灰分為三服

治下焦虛寒損或先便轉後見血此為遠血或利或不利好因勞冷即發宜續斷止血方

續斷

當歸

桂心

蒲黃

阿膠

各一兩

甘草

二兩

乾薑

乾地黄

各四兩

右八味以水九升煮取三升半去滓下膠取烊下蒲黃分三服

當歸湯治三焦虛損或上下發泄吐唾血皆從三焦起或熱損發或因酒發宜此方

當歸

乾薑

小薊

阿膠

小丘山房

卷六十一

喬氏世定刻行

羚羊角

乾地黄

栝枝皮三兩

芍藥

白朮各四兩

蒲黃五合

青竹茹半升

伏龍肝

髮灰一雞子人

黃芩

甘草各二兩

右十五味吹咀以水一斗二升煮取三升半去滓下膠取烱次下髮灰及蒲黃分為三服

灸法

五臟六腑心腹滿腰背疼飲食吐逆寒熱往來小便不利羸瘦

少氣灸三焦輸隨年壯

腹疾腰痛膀胱寒澀飲注下灸下極輸隨年壯

三焦寒熱灸小腸輸隨年壯

三焦膀胱腎中熱氣灸水道隨年壯穴在俠屈骨相去止寸屈骨

在臍下五寸屈骨端水道俠兩邊各二寸半

孫真人備急千金要方卷之六十一

小丘山房

喬氏世定刻

孫真人備急千金要方卷之六十二

仁二

宋朝奉即守太常少卿克秘閣校理林億等校正

霍亂第六

論二首

證四條

灸法十八首

論曰原霍亂之為病也皆因飲食非關鬼神夫飽食肥膾復食乳酪海陸百品無所不噉眠卧冷席多飲寒漿胃中諸食結而不消陰陽二氣擁而反矣陽氣欲升陰氣欲降陰陽乖隔變成吐痢頭痛似破百節如解遍諸體筋皆為回轉論證雖小卒病之中最為可畏雖臨深履危不足以諭之養生者宜達其旨趣庶可免於夭橫矣

凡霍亂務在溫和將息若冷即遍體轉筋凡此病定一日不食為佳仍須三日少少粥食參日已後可恣意食息七日勿雜食

小丘山房

喬氏世定刻行

為佳所以養脾氣也

大凡霍亂皆中食膾酪及飽食雜物過度不能自裁夜卧失覆不善將息所致隕命者衆人生稟命以五臟為主夫五臟者即是五行內為五行外為五味五行五味更宜扶抑所以春夏秋冬逆調理之食啖不可過度凡飲食於五臟相尅者為病相生者無他經曰春不食辛夏無食鹹季夏無食酸秋無食苦冬無食甘此不必全不食但慎其太甚耳諺曰百病從口生蓋不虛也肆時昏食不得太飽皆能生病從夏至秋分肥食肥濃然熱月人自好澹食更與肥濃兼食果菜無節極遂逐冷眠卧冷水洗浴五味更相尅賊雖欲無病不可得也所以病苦人自作之非關運也書曰非天夭人人中自絕命此之謂也

凡諸霍亂忌與米飲胃中得米即吐不止但與厚朴葛根飲若冬瓜葉飲但沾漬咽喉而不可多與若服湯時隨服吐者候吐乃止診脉絕不通以桂合葛根為飲吐下心煩肉熱汗不出不轉筋脉急數者可犀角合葛根為飲吐下不止發熱心煩欲飲水可少飲米粉汁為佳若不止可與葛根薺芫飲服之

問曰病有霍亂者何師曰嘔吐而利此謂霍亂

問曰病者發熱頭身體疼惡寒而復吐利當屬何病師曰當為霍亂霍亂吐利止而復發熱也傷寒其脉微澀本是霍亂今是傷寒却四五日至陰經上復入陰必利本反下利者不可治也霍亂吐多者必轉筋不渴即臍上築霍亂而臍上築者為腎氣動當先治其築治中湯主之去朮加桂心去朮者以木虛故也

加桂者恐作賁也霍亂而臍上築吐多者若下多者霍亂而驚悸霍亂而渴霍亂而腹中痛嘔而吐利嘔而利欲得水者皆用治中湯主之

治中湯治霍亂吐下脹滿食不消化心腹痛方

人參 乾薑 白朮 甘草各三兩

右四味㕮咀以水八升煮取三升分三服不瘥頻服三劑遠

行防霍亂依前作丸如梧子大服三十丸如作散服方寸匕

酒服亦得若轉筋者加石膏三兩仲景云若臍上築者腎氣動也去木加桂心四兩吐

多者去木加生薑三兩下多者復用木悖者加茯苓二兩渴欲得水者加木合前成四兩半腹中痛者加人參合前成四

兩半若寒者加乾薑合前成四兩半腹滿者去木加附子壹枚服湯後一食頃服熱粥壹升微自溫勿發揭衣被也

桂枝湯治吐利而身體痛不休者當消息和解其外以此湯

小和之方見治傷寒篇中

四順湯治霍亂轉筋肉冷汗出嘔哕者方

附子一兩 人參 乾薑 甘草各三兩

右四味㕮咀以水六升煮取二升分三服范注甚加醋此滑二兩

四逆湯治多寒手足厥冷脉絕方

生薑一兩 當歸 芍藥 細辛

桂心各三兩 大棗二十枚 通草 甘草各二兩

吳茱萸二升

右九味㕮咀以水六升酒六升合煮取五升分五服舊方

用棗三十枚今以霍亂病法多瘡故除之如退棗入葛根

二兩佳霍亂四逆加半夏一合附子小者一枚惡寒方

與大附子

又方治吐下而汗出小便復利或下利清穀裏寒外熱脈微欲絕或發熱惡寒四肢拘急手足厥方

甘草兩 乾薑半 附子一枚

右三味以水三升煮取一升二合溫分而服強者可與大附子一枚乾薑至三兩

通脈四逆湯治吐利已斷汗出而厥四肢拘急不解脈微欲絕

方

大附子一枚 甘草半 乾薑三兩強者四兩

右三味以水三升煮取一升二合分二服出即愈若面色赤者加葱白九莖腹中痛者去葱加芍藥二兩嘔逆

加生薑三兩咽痛去芍藥加桔梗二兩利止脈不出者去

桔梗加人參二兩皆與方相應乃服之仲景用通脈四逆加猪膽汁易

竹葉湯治霍亂吐利已服理中四逆等湯熱不解者方

竹葉握 小麥升 生薑拾 甘草

人參 附子 芍藥各一兩 橘皮

當歸 桂心冬二兩 白木參兩

右十一味以水一斗半先煮竹葉小麥取八升去滓下藥煮取三升分三服上氣者加吳茱萸半升即瘥理

中四逆湯皆大熱若有熱宜竹葉湯古今錄驗無芍藥

甘草瀉心湯治婦人霍亂嘔逆吐涎沫醫反下之心下即痞當

先治其涎沫可服小青龍湯涎沫止次治其痞可與此方

小丘山炭

喬氏世定刻行

甘草肆兩 乾薑 黃芩各三兩 黃連壹兩

半夏半斤 大棗拾貳枚

右六味以水一斗煮取六升分六服

水青龍湯治婦人霍亂嘔吐方見第十卷中

附子粳米湯治霍亂四逆吐少嘔多者方

中附子壹枚 粳米五合 半夏半升 大棗拾枚

乾薑仲景方無 甘草各壹兩

右六味以水八升煮熱藥取米熟去滓分三服

理中散治老年羸劣冷氣惡心飲食不化心腹虛滿抱急短氣

霍亂嘔逆四肢厥冷心煩氣悶流汗扶老方

麥門冬 乾薑各陸兩 人參 白朮

甘草各五兩 附子 茯苓各三兩

右七味治下篩以白湯三合服方寸匕常服將密丸如梧

子大酒服二十九

人參湯治毒冷霍亂吐利煩嘔轉筋肉冷汗出手足指皆腫喘

息垂死絕語音不出百方不效脉不通者服此湯取瘥乃止隨

吐續服勿止并灸之方

人參 附子 厚朴 茯苓

甘草 橘皮 當歸 葛根

乾薑 桂心各二兩

右十味以水七升煮取二升半分為三服

治霍亂蠱毒宿食不消積冷心腹煩滿鬼氣方

小丘山房

喬氏世定刻行

右用極鹹鹽湯三升熱飲一升刺口令吐宿食使盡不吐
更服吐訖復飲三吐乃佳靜止此法大勝諸治俗人以為
田舍淺近法鄙而不用守死而已凡有此病即須先用之

治霍亂方

菹豆 香薷各一升

右二味以水六升煮取二升分單用亦得

治霍亂洞下不止者方

右用艾一把水三升煮取一升頓之良

又方香薷一把水四升煮取一升頓服之青木香亦佳

治霍亂吐下腹痛方

右以桃葉煎汁服一升立止冬用皮

治霍亂引飲輒乾嘔方

右用生薑五兩呔咀以水五升煮取二升半分二服高良

薑大佳

杜若圓治霍亂入將遠行預備方

杜若 藿香 白朮 橘皮 吳茱萸

乾薑 人參 厚朴 木香 雞舌香

瞿麥 桂心 芍荷 女萎 茴香

右十五味等分為末密丸如梧子酒下二十九丸

治霍亂末不發丸方

虎掌 薇御各貳兩 枳實 附子 人參

檳榔 乾薑各叁兩 厚朴貳兩 皂莢叁寸 白朮伍兩

小丘山房

喬氏世定刻行

右十味為末密丸如梧子大每服酒下二十九日三武德
中有德行尼名淨明患此已久或一月一發或一月再發
發即至死時在朝大醫蔣許甘巢之徒亦不能識余以
霍亂治之處此方得愈故疏而記之

凡先服石人因霍亂吐下服諸熱藥吐下得止因即變虛心
煩手足熱口燥欲得水嘔逆迷悶脉急數者及時行熱病後毒
未盡因霍亂吐下仍發心胃欲裂者以此解之方

薺菴 人參 厚朴 知母 栝蒌根

茯苓 犀角 藍子 枳實 桔梗

橘皮 葛根 黃芩 甘草 各煎

右十四味咬咀以水一斗煮取三升分為三服

治中熱霍亂暴利心煩脉數欲得冷水者方

右以新汲井水頓服一升立愈先患胃口冷者勿服之

治霍亂醫所不治秘方

右用童女月經衣合血燒末酒服方寸七百方不瘥者用

之

治霍亂轉筋方

右用蓼一把去兩頭以水二升煮取一升頓服之 一方作梨葉

又方燒舊木梳灰為末酒服一枚小者未瘥

又方車轂中脂塗足心下瘥

治霍亂轉筋入腹無奈何者方

作極鹹鹽湯於槽中暖漬之

又方以酢煮青布搦之冷即易
治轉筋不止者方

以男子則以手挽其陰牽之女子則挽其乳近左右
邊

灸法

論曰凡霍亂灸之或雖未能立瘥終無死憂不可逆灸或但先
下後吐當隨病狀灸之

若先心痛及先吐者灸巨闕七壯在心下一寸不效更灸如前
數

若先腹痛者灸太倉三七壯穴在心厭下四寸臍上一寸不止
更灸如前數

若吐下不禁兩手陰陽脉俱疾數者灸心諒骨下三寸又臍
下三寸各六十七壯

若乾嘔者灸間使各七壯在手碗後三寸兩筋間不瘥更灸
如前數

若嘔哕者灸心主各七壯在掌腕上約中吐不止更灸如前
數

若手足逆冷灸三陰交各七壯在足內踝直上三寸廉骨際
未瘥更灸如前數

若先下利者灸穀門二七壯在臍傍二寸男左女右一名大
腸募不瘥更灸如前數

若下不止者灸大都七壯在足大趾本節後內側白肉際

若泄利所傷煩欲死者灸慈宮二七壯在橫骨兩邊各三

寸半橫骨在臍下
橫門骨是

轉筋在兩臂及胸中者灸手掌白肉際七壯又灸臍中中

府巨闕胃管尺澤并治筋拘頭及足皆愈

走哺轉筋灸踵踝白肉際各三七壯又灸小腹下橫骨中央

隨年壯

轉筋四厥灸兩乳根黑白際各一壯

轉筋灸湧泉六七壯在足心下當拇趾大筋上又灸足大趾

下約一壯

轉筋不止灸足踵聚筋上白肉際七壯立愈

轉筋入腹痛欲死四人持手足灸臍上一寸十四壯自不動勿

復持之又灸股裏大筋去陰一寸

霍亂轉筋令病人合面正卧伸兩手著身以繩橫量兩肘尖

頭依繩下俠脊骨兩邊相去各一寸半灸一百壯無不瘥後肘

云此華
佗法

霍亂已死有暖氣者灸承筋七壯取繩量圍足從趾至趾距

頭至跟踏地處引繩
上至度頭即是穴

起死人又以鹽內臍中灸二七壯

雜補第七 論一首 方三十首

論曰彭祖云使人丁壯不老房室不勞損氣力顏色不衰

者莫過麋角其法刮為末十兩用生附子一枚合之酒服

方寸匕日三大良亦可熬令微黃單服之亦令人不老然

遲緩不及附子者又以雀卵和為丸彌佳服之二十日大效

琥珀散治虛勞百病除陰痿精清力不足大小便不利如淋狀腦門受寒氣結在關元強行陰陽精少餘瀝腰脊痛四肢重咽乾口燥食無常味乏氣力遠視眩暈驚悸不安五臟虛勞上氣滿悶方

琥珀研 蕪菁子 胡麻子 車前子

蛇床子 菟絲子 枸杞子 菴藺子

麥門冬升 橘皮 肉蓯蓉 松脂

牡蠣各四兩 松子 栢子 荏子各三升

桂心 石韋 石斛 滑石

茯苓 芎藭 人參 杜蘅

續斷 遠志 當歸 牛膝

杜丹各三兩 通草十四分

右三十味各治下篩合搗二千杵盛以韋囊先食服方寸匕日三夜一用牛羊乳汁煎令熟長服令人羶性輕體益氣消穀能食柰寒暑百病除雖御十女不勞損令精實如膏服後七十日可得行房久服老而更少髮白反黑齒落重生

從蓉散主輕身益氣彊骨補髓不足能陰氣強盛方

肉蓯蓉 五味子 遠志 甘草各一斤

生地黃三十斤 慎火草 楮子 乾榛各二升

右八味以地黃汁浸一宿出曝乾復漬令汁盡為散空腹酒服方寸匕日三服三十日力倍常雖御十女無損

禿雞散有房室人常服勿絕方

蛇床子 菟絲子 遠志 防風

五味子 巴戟 杜仲 菘蓉各二兩

右八味治下篩酒服方寸七日二無室勿服

天雄散治五勞七傷陰痿不起衰損者方

天雄 五味子 遠志各一兩 菘蓉十分

蛇床子 菟絲子各六兩

右六味治下篩酒服方寸七日三常服勿止

治陰下濕癢生瘡失精陰痿方

牡蒙 菟絲子 栝子仁 蛇床子

菘蓉各二兩

右五味治下篩酒服方寸七日三以知為度

治陰痿精薄而冷方

菘蓉 鍾乳 遠志 蛇床子 續斷

薯蕷 鹿茸各三兩

右七味治下篩酒下方寸七日二欲多房室倍蛇床欲堅

倍遠志欲大倍鹿茸欲多精倍鍾乳

治五勞七傷度事衰惡方

巴戟天 蛇牀子 天雄 薯蕷各三分

雄蠶蠶十枚 五味子 石斛 菘蓉各五分

菟絲子 牛膝 遠志各二分

右十一味治下篩以酒服方寸七日三

小丘山房

喬氏世定刻行

石硫黃散極益房勞 虛指方

石硫黃 白石英 鹿茸 遠志

蛇牀子 五味子 天雄 殭蠶

白馬莖 菟絲子 女萎各等分

右十一味治下篩酒服方寸七日二無房勿服

又方蘿摩六兩 五味子 酸棗仁 栝子仁

乾地黄 拘杞根皮各三兩

右六味治下篩酒服方寸七日三

又方車前子莖葉根治下篩服方寸七彊陰益精

常餌補方

拘杞子一兩 天雄三兩 菴蓉 石斛 乾薑各八兩

菟絲子 遠志 續斷各伍兩 乾地黄拾兩

右九味治下篩酒服方寸七日二食無所忌服藥十日候

莖頭紫色乃可行房

治男子陰氣衰腰背痛若寒莖消少精小便餘瀝出失精囊下濕癢虛乏服此令人克實肌膚肥悅方

巴戟天 菟絲子 杜仲 桑螵蛸

石斛

右五味等分治下篩酒服方寸七日常服佳

又方薯蕷預 巴戟天 山茱萸 丹參

人參各伍分 蛇牀子 五味子各一分 天雄

細辛各叁分 桂心貳分 乾地黄拾分

小丘山房

喬氏世定刻行

右十二味治下節酒服方寸七日二夜一

又方五味子

蛇牀子各一分續斷

牛膝各一分

車前子

茯苓各一分

右六味治下節酒服方寸七日二

杜仲散益氣補虛治男子羸瘦短氣五臟痿損腰痛不能

房室方

杜仲

蛇牀子

五味子

乾地黄陸分

茯苓

遠志各一分

木防已

巴戟天米分

芫絲子拾分

右九味治下節食前酒服方寸七日二長服不絕佳

茯苓散補虛益陽治陽氣不足陰囊溫癢尿有餘瀝漏洩虛

損云為不起方又方見前

茯苓

續斷各八分

蛇牀子九分

五味子

天雄

薯蕷各七分

遠志六分

乾地黄

巴戟天各五分

右九味治下節酒服方寸七日三凡病皆由醉飽後或疲

極之餘而合陰陽致成此病也

白馬莖圓治空房獨怒見敵不興口乾汗出失精囊下溫癢尿

有餘瀝卵偏大引疼膝冷脛痠目中眵眵小腹急腰脊強男

子百病方

白馬莖

石韋

天雄

遠志

赤石脂

蛇床子

菖蒲

薯蕷

杜仲

栝蒌根

肉茯苓

石斛

續斷

牛膝

山茱萸

小丘山房

喬氏世定刻行

栢子仁 細辛 防風各八分
右十八味為末白蜜丸如梧子大酒服四九日再服漸加
至二十九七日知一月日百病愈

治陰痿方

雄雞肝具一 鯉魚膽一

右二味陰乾百日為末雀卵和丸如小豆大吞一九

又方菟絲子升一 雄雞肝具三

右二味為末雀卵和丸如小豆大每服一九日三

又方乾漆 白朮 甘草 菟絲子 菴蓉

牛膝 巴戟天 五味子 桂心各三兩 石南

石龍芮各升 乾地黄兩四

又方 右十二味為末蜜和丸如梧子酒服二十九日三

又方 用蜂房灰夜卧傳之

又方

右用原蠶蛾未連者一升陰乾去頭足毛羽為末白蜜丸如

梧子大每用一九夜卧鹽湯下

又方磁石五斤研清酒三斗漬二七日每服三合日三夜一

又方常服天門冬亦佳

又方五味子一斤新好者治下篩酒服方寸匕日三稍加至

三七無所慎忌食猪魚大蒜大醋盡一劑即得力百日已上

可見功效服藥常令相續不絕四時勿廢功能自知

又方菟絲子

五味子

蛇牀子

各等分

右三味為末蜜丸如梧子飲食服三九日三

又方蛇牀子

菟絲子

杜仲

各五分

茯苓

五味子

右五味為末蜜丸如梧子每服酒下十四九日二夜二

又方

蛇牀子

末三兩

菟絲子

汁二合

右二味相和用

又方

蛇牀子

茯苓

遠志

各三分

附子

右四味為末以唾和丸如梧桐子大每用一丸

又方

蛇牀子

三分

天雄

遠志

各二分

桂心

一分

無食子

一枚

右五味為末用

孫真人備急千金要方卷之六十二

孫真人備急千金要方卷之六十三

仁三

宋朝奉平郎守太常少卿克秘閣校理林億等校正

消渴第一

論六首 方五十三首
灸法七首

論曰凡積久飲酒未有不消渴然大寒凝海而酒不凍明其酒性酷熱物無以加肺灸鹽鹹此味酒客耽者不離其口三觴之後制不由已欲以噉無度咀嚼鮮醬不擇酸鹹積年長夜酣興不解遂使三焦猛熱五臟乾燥木石猶且焦枯在人何能不渴治之愈否屬靈病者若能如方節慎旬月可瘳不自愛惜死不旋踵方書醫藥寔多有效其如不慎者何其所慎有三一飲酒三房室三食及麪能慎此雖不服藥而自可無他不此縱有金丹亦不可枚深思慎之又曰消渴之人愈與未愈常

須思慮有大癱何有消渴之人必於大骨節間發癰疽而卒所以戒之在大癱也當預備癰藥以防之有人病渴利始發於春經一夏服栝萋豉汁得其力渴漸瘥然小便猶數甚晝夜二十餘行常至三四升極瘥不減二升也轉久便止漸食肥膩日就羸瘦咽哽唇口焦燥吸吸少氣不得多語心煩熱兩脚酸食乃兼倍於常而不為氣力者當知此病皆虛熱也所致治法可長服栝萋汁以除熱牛乳杏酪善於補此法最有益治消渴除腸胃熱實方

麥門冬 茯苓 黃連 石膏 菱糲各搗
人參 龍膽 黃芩各陸 升麻各 枳實各
生薑肩 枸杞子外臺用 栝萋根各拾

右十三味為末密丸如梧子大以茆根粟米汁服十九日二若渴則與此飲至足大麻亦得飲方如左

茆根切三升 粟米三合
右二味以水六升煮取米熟用下煎藥
又方栝萋根 生薑 生麥門冬汁 蘆根切各二升

右五味以水一斗煮取三升分三服

栝神湯洩熱止渴治胃腑實熱引飲常渴方

栝神二兩外臺 栝萋根 生麥門冬各五兩

菱糲 知母各四兩 生地黄六兩 小麥二升

大棗二十枚 淡竹葉切三升

小丘山房

喬氏世定刻行

右九味以水三斗煮小麥竹葉取九升去滓下藥煮取四升分四服服不問早晚但渴即進非但止治胃渴通治渴患熱者

猪肚圓治消渴方

猪肚治如食法一具

黃連

梁米各五兩

栝萋根

茯神各四兩

知母三兩

麥門冬二兩

右七味為末內猪肚中縫塞安甑中極爛蒸乘熱及藥木中擣可丸若硬與密和丸如梧子大飲服二十九日一加至五十九丸隨渴即服之

又方栝萋根

麥門冬

鈎丹各八分

茯神一作茯苓

甘草各六分

右五味治下節以漿水服方寸匕日三外臺無

又方苦嗜

茯神

栝萋根

甘草

麥門冬各三兩

乾地黄五兩

右六味以水八升煮取二升半去滓分三服日進一劑

服十劑佳

浮萍圓治消渴方

乾浮萍 栝萋根各等分

右二味為末以人乳汁和丸如梧子空腹飲服二十九日三年病者三日愈治虛熱大佳

治消渴日飲水一石者方

鈎丹二兩

附子一兩

葛根

栝萋根各三兩

小丘山房

喬氏世定刻行

右四味為末蜜丸如梧子飲服十九日三渴則服之春夏減附子

黃連圓治渴方

黃連一斤 生地黃一斤張文仲云拾斤

右二味絞地黄取汁浸黃連出曝燥復內汁中令汁盡乾擣末密丸梧子服二十九日三食前後無拘亦可為散以酒服方寸匕

栝萋粉治大渴秘方

右深掘大栝萋根厚削皮至白處止寸切水浸一日一夜易水經五日取出爛擣碎研之以絹袋濾如出粉法乾之水服方寸匕日三四亦可作粉粥乳酪中食之不限多少取瘥止

又方栝萋粉和雞子曝乾更擣為末水服方寸匕日三丸服亦得

又方水和栝萋散服方寸匕亦可密丸如梧子大服三十九

又方取七家井索近桶口結燒作灰井華水服之不過三服必瘥

又方濃煮竹根汁飲之瘥止

又方漬豉汁任性多少飲之

又方以青梁米煮取汁飲之以瘥止

論曰夫內消之為病當由熱中所致小便多於所飲令人虛極短氣夫內消者食物皆消作小便也而又不渴正觀十年梓州刺史李文博先服白石英既久忽房道強盛經月餘漸患渴經

數日大利日夜百行以來百方治之漸以增劇四體羸憊不能
起止精神恍惚口舌焦乾而卒此病雖稀甚可畏也利時沉脉
沉細微弱服枸杞湯即效但不能長愈服鈔丹散亦即減其間
將服除熱宣丸

枸杞湯治渴而利者方

枸杞枝葉斤黃連

栝萋根

甘草

石膏

各三兩

右五味以水一斗煮取二升分五服日二夜二劑者多
合渴即飲之

鈔丹散治消渴止小便數兼消中方

鈔丹

胡粉

甘草

澤瀉

石膏

栝萋根

白石脂肘換作貝母

赤石脂

各五分

右八味治下篩水服方寸七日三壯人一七半一年病者一日

愈二年病者二日愈渴甚者夜二服腹痛者減之丸服亦佳

每服十九丸傷多令人腹痛張文仲云腹中痛者宜漿水汁下

之古今錄驗方云服此藥了經三兩日宜爛煮羊用莊空腹

服之或作羹亦得宜常淡食之候小便數減苦即宜從蓉丸

兼煮散將息從蓉丸及煮散方見外臺第十一卷中

茯神

黃耆

人參

麥門冬

甘草

黃連

知母

栝萋根

菟絲子

從蓉

石膏

乾地黄

各六兩

右十二味為末以牛膽三合和密丸如梧子以茆根湯服三

十九日二服漸加至五十九

小丘山房

喬氏世定刻行

酸棗圓治口乾燥內消方

酸棗一升

酢安石榴子乾五合

覆盆子

葛根各三兩

枯薑根

茯苓各三兩半

麥門冬四兩

石蜜四兩半

桂心一兩

烏梅十枚

右十味為末密丸口含化不限晝夜以口中津液為度盡

復取含無忌

治消中日夜尿七八升者方

右用鹿角炙令焦末以酒服五分七日漸加至方寸匕

又方葵根如五升盆大兩束外臺云伍大斤以水五斗煮取三斗宿不

食平旦一服三升

又方漚麻汁服一升佳

論曰強中之病者莖長興盛不交精液自出也消渴之後即作

癰疽皆由石熱凡如此等宜服猪腎齋菴湯制腎中石熱也又

又宜服白鴨通湯方見下解石毒篇

猪腎齋菴心湯方

猪腎一

大豆一升

齋菴三兩

人參

石膏三兩

茯苓一本作茯苓

磁石綿裹

知母

葛根

黃芩

甘草

枯薑根各二兩

右十二味小呷咀以水一斗五升先煮猪腎大豆取一斗去滓

下藥煮取三升分三服渴及飲之下焦熱者夜輒合一劑病

勢漸歇即止

增損腎瀝湯治腎氣不足消渴小便多腰痛方

小丘山房

卷六十三

六

喬氏世定刻行

羊腎

日六

遠志

人參

澤瀉

桂心

當歸

茯苓

龍骨

乾地黄

黃芩

甘草

芍藥

各二兩

五味子

合五

生薑

兩六

大棗

二十枚

麥門冬

各一升

右十六味以水一斗五升先煮羊腎取一斗二升次下諸藥

散取三升分三服

治下焦虛熱注脾胃從脾注肺好渴利方

竹葉

切三升

甘草

兩三

枯蕒根

生薑

各五兩

麥門冬

茯苓

各四兩

大棗

三十枚

小麥

地骨白皮

各一升

右九味以咀先以水三斗煮小麥取一斗去滓澄清取八升

去上沫取七升煮藥取三升分三服

治渴利虛熱引飲不止消熱止渴方

竹葉

切二升

地骨皮

生地黄

切各一升

枯蕒根

石膏

各八分

茯苓

一作茯苓

菱莖

知母

生薑

各四分

生麥門冬

一升半

大棗

三十枚

右十一味以咀以水一斗二升煮取四升分四服

地黃圓治面黃手足黃咽中乾燥短氣脉如連珠除熱止渴利

補養方

生地黄汁

生枯蕒根汁

各二升

牛羊脂

三升

白密

和

黃連

一升

為末

右五味合煎令可丸如梧子大飲服五九日二加至二十九

若苦冷而渴渴瘥即宜別服溫藥

小丘山房

卷六十三

二

喬氏世定刻行

治渴小便數方

貝母

六分一本
作知母

茯苓

栝蒌根

各四分

鈎丹

雞臍脰中黃皮

十四枚

右五味治下篩飲服方寸匕日三瘥後常服尤佳長絕則去鈎丹以密丸之用麥飲下

治渴利方

右用生栝蒌根三十斤切以水一石煮取一斗半去滓以牛脂五合煎取水盡以温酒先食服如雞子大日三

治渴小便利復非淋者方

右用榆白皮二斤切以水一斗煮取五升每服三合日三

又方小豆藿一把擣取汁頓服三升

又方取蓄薇根水煎服之佳

後以治
中遺尿

又方三年重鵲巢燒末以飲服之

後以治
中遺尿

又方桃膠如彈丸大含之咽津

又方蠟如雞子大以酢一升煮二沸適寒温頓服之

論曰凡人生放恣者衆盛壯之時不自慎惜快情縱慾極意房

中稍至長腎氣虛竭百病滋生又年少懼不能房多服石

散真氣既盡石氣孤立惟有虛耗唇口乾焦精液自洩或小便

赤黃大便乾實或渴而且利日夜一石或渴而不利或不渴而

利所食之物皆化小便此皆由房室不節之所致也凡平人夏

月喜渴者由心王也心王便汗汗則腎中虛燥故渴而小便少

也冬月不汗故小便多而數也此為平人之證也名為消渴但

小便利而不飲水者腎實也經云腎實則消消者不渴而利是也所以服石之人於小便利者石性歸腎腎得石則實實則能消水醬故利利多則不得潤養五臟臟衰則生諸病張仲景云熱結中焦則為溺血亦令人淋閉不通明知不必悉患小便利信矣內有熱者則喜渴除熱則止渴兼虛者須除熱補虛則瘥矣

治不渴而小便大利遂至於死者方

右用牡蠣五兩以患人尿三升煎取二升分再服神驗

治小便不禁多日便一二斗或如血色方

麥門冬

乾地黄

各切

乾薑

菝葜子

續斷

桂心

各二兩

甘草

一兩

右七味以水一斗煮取二升五合分三服古今錄驗云治腎消脚瘦細小便數

九房散治小便多或不禁方

右五味治下篩并雞臍脰中黃皮三兩同為散飲服方寸匕

日三如人行十里久更服千金翼有五味子三兩每服空腹服之

又方鹿茸三桂心一附子大者三枚澤瀉三躑躅

韭子各一升

右六味治下篩以漿服五分匕日三加至一匕

黃耆湯治消中虛勞少氣小便數方

黃耆

芍藥

生薑

桂心

當歸

甘草二兩

大棗三十枚

黃芩

乾地黄

麥門冬一兩

小丘山房

喬氏世定刻行

右十味呔咀以水一斗煮取三升分三服日三
棘刺圓治男子百病小便過多失精方

棘刺肉 石龍芮 巴戟天二兩 厚朴

麥門冬 菟絲子 草薺外臺作草鞋 萎蕤

栝子仁 乾地黄 小草 細辛

杜仲 牛膝 菴容 石斛

桂心 防葵 烏頭半兩

右十九味為末密和更擣五六千杵丸如梧子大飲下拾
丸日三加至三十九以知為度

治尿數而多者方

右用羊肝一具作羹內少羊肉和鹽豉如食任性食三具

治消渴陰脉絕胃反而吐食者方

茯苓八兩 澤瀉四兩 白朮 生薑 桂心各三兩

甘草一兩

右六味呔咀以水一斗者取麥三升取汁三升去麥下藥
煮取二升半每服八合日再

又方取屋上瓦三十年者碎如雀腦三升東流水二石煮取二

斗內藥如左方

白朮 乾地黄 生薑各八分 橘皮 人參

甘草 黃耆 遠志 桂心 當歸

芍藥各二兩 大棗三十枚

右十二味呔咀內瓦汁中煮取三升分四服或單飲瓦汁亦佳

小丘山房

喬氏世定刻行

治熱病後虛熱渴四肢煩疼方

葛根斤一 人參 甘草各一 竹葉把一

右四味以水一斗五升者取五升渴即飲之日三夜二骨墳前浴虛勞渴無不效方

茯苓 菟絲子 當歸 山茱萸 牛膝

五味子 附子 巴戟天 石膏 麥門冬三兩

石膏 人參 茯苓外臺作連志 桂心各四兩

大豆卷升一 天門冬五兩

右十六為末次取生地黃括萎根各十斤擣絞取汁於微火上煎減半便作數分內藥并下白蜜三斤牛髓一斤微火煎令如糜食如雞子黃大日三亦可飲服之

茯神散治虛熱四肢羸乏渴熱不止消渴補虛方

茯神 茯苓 生石斛 黃連兩

括萎根 丹參伍兩 甘草 五味子 知母

當歸 人參三兩 麥北藥參升壹

右拾三味治下篩以絹袋盛三方寸匕水三升者取壹升日貳服壹煮為壹服

枸杞湯治虛勞口中苦渴骨節煩熱或寒者方

枸杞根白皮切伍升 麥門冬三升 小麥貳升

右三味以水貳斗煮麥熟盡米成去滓每服壹升日再

巴郡太守奏三黃圓治男子五勞七傷消渴不生肌肉婦人帶下手足寒熱者方

小丘山房

喬氏世定刻行

春參月黃芩兩四 大黃兩三 黃連兩肆

夏參月黃芩兩陸 大黃兩肆 黃連兩柒

秋參月黃芩兩陸 大黃兩肆 黃連兩三

冬參月黃芩兩三 大黃兩五 黃連兩貳

右三味隨加減和擣以密為丸如大豆飲服伍九日參不知稍加至柒九取下而已壹月病愈久服走逐奔馬常試有

驗壹本云夏三月不服

治熱渴頭痛壯熱及婦人血氣上生山悶不堪者方

右用茅根切參升參擣取汁令盡渴即飲之

治嶺南山瘴風熱毒氣入腎中變為熱脚弱虛滿而渴方

黃連不限多少 生栝萋根汁 生地黃汁 羊乳汁

右四味以三汁和黃連末為丸空腹飲服三十九丸如梧子大

漸加至四十九日三重病五日瘥小病三日瘥無羊乳牛乳

人乳亦得若藥苦難服即煮小麥粥飲食之主虛熱張文仲云

黃連九一 名羊乳九

阿膠湯治虛熱小便利而多服石散人虛熱當風取冷患脚氣喜發動兼消渴腎脉細弱方

阿膠二 麻子升一 附子枚一 乾薑兩二 遠志兩四

右五味咬咀以水七升煮取二升半去滓內膠令烊分三

服說云小便利多白日夜數十行至一石五日頗服良

灸法

論曰凡消渴病經百日以上者不得灸刺灸刺則於瘡上漏膿

小丘山房

喬氏世定刻行

水不歇遂致癰疽羸瘦而死亦忌有所誤傷但作針許大瘡
所飲之水皆於瘡中變成膿水而出若水出不止者必死慎之
慎之初得患者可如方灸刺之

治消渴咽喉乾灸胃管下輸三穴各百壯穴在背第八椎下橫
三寸灸之一云灸胃堂五十壯
又灸足太陽五十壯

治消渴口乾不可忍者灸小腸輸百壯橫三間寸灸之

消渴口乾煩悶灸足厥陰百壯又灸陽池五十壯

消渴欬逆灸手厥陰隨年壯

消渴小便數灸兩手小指頭及足兩小趾頭并灸項椎佳又灸
當春梁中央解間一處與腰目上兩處凡三處又灸背上脾輸
下四寸當俠春梁灸兩處凡諸灸皆當隨年壯又灸腎輸二處

又灸腰日在腎輸下三寸亦俠春骨兩傍各一寸半左右以指
按取關元一處又兩傍各二寸二處又陰市二處在膝上當
伏菟上行三寸臨膝取之或三二列灸相去一寸名曰腎系者

黃帝經云伏
兔下一寸曲泉陰谷陰陵泉復留此諸穴斷小便最佳不損

陽氣亦云止遺溺也太雞中封然谷太白大都跖陽行間大敦

隱白涌泉凡此諸穴各一百壯腹背兩脚凡四十七處其腎輸

腰目關元水道此可灸三十壯五日一報各得一百五十壯佳

涌泉一處可灸十壯大敦隱白行間此處可灸三壯餘者悉七

壯皆五日一報滿三灸可止也若發灸諸陰諸陽在脚表并灸

肺輸募按流注孔穴壯數如灸陰家法

小便數而少且難用力輒失精者令其人舒兩手合掌併兩大

指令齊急逼之令兩爪甲相近以一炷灸兩爪甲本肉際方後自然有角令炷當角中小侵入爪上此兩指共用一炷也亦灸脚大趾與手同法各三炷而已經三日又灸之
孫真人備急千金要方卷之六十三

孫真人備急千金要方卷之六十四

仁四

宋朝奉即守太常少卿克秘閣校理林億等校正

淋閉第二

論一首 證二條 方六十五首 灸法十五首

論曰熱結中脘則為堅下脘則為溺血令人淋閉不通此多是虛損人服大散下脘客熱所為亦有自然下脘熱者但自少可善候之凡氣淋之為病溺難澀常有餘瀝石淋之為病莖中痛溺不得卒出膏淋之為病尿似膏自出勞淋之為病勞倦即痛引氣衝下熱淋之為病熱即發甚則尿血治之皆與氣淋同凡人候鼻頭色黃法小便難也

地膚子湯治下脘結熱小便赤黃不利數起出少莖痛或血出溫病後餘熱及霍亂後當風取熱過度飲酒房勞及行步冒熱

小丘山房

千金要方卷之六十四

喬氏世定刻行

以飲逐熱熱結下焦及散石熱動關格小腹堅胞脹如斗諸有此淋悉治之立驗方

地膚子三兩 知母 黃芩 猪苓 瞿麥

枳實一作松實 升麻 通草 葵子 海藻

右拾味呔咀以水一斗煮取三升分三服大小便皆閉者加

三兩女人房勞腎中有熱小便難不利小腹滿痛脉沈細者

加猪腎一具崔氏云若加腎可用水一斗半先煮腎取一斗汁然後內藥煎之小品方不用枳實

治百種淋寒淋熱淋勞淋小便澀胞中滿腹急痛方

通草 石韋 甘草 王不留行各二兩

冬葵子 滑石 瞿麥 白朮各三兩

右玖味呔咀以水一斗煎取三升分三服古今錄驗有當歸二兩治下篩以去

粥清服方寸七日三

又方滑石 石韋 枯萋根各二兩

右三味治下篩大麥飲服方寸七日三

治諸種淋方

葵根八兩 茆根 石首魚頭石各三兩

甘草一兩 通草二兩 貝子五合 天麻根

右七味呔咀以水一斗二升煮取五升分五服三日二亦主

石淋

又方榆木 車前子 冬瓜子各一升 鯉魚齒

桃膠 通草 地脉各二兩 瞿麥四兩

右八味呔咀以水一斗煮取三升分三服日三

又方細白沙三升熬令極熱以酒三升淋取汁服一合
治淋痛方

滑石肆兩

貝子七枚燒碎茯苓

白朮

通草

芍藥各三兩

右陸味治下篩酒服方寸七日二服十日瘥

又方葵子五合

茯苓

白朮

當歸各二兩

右四味咬咀以水七升煮取二升分三服日三

又方取猪脂酒服三合日三小兒服一合臘月者

治小便不利莖中疼痛小腹急痛者

通草

茯苓各三兩葶藶二兩

右三味治下篩以水服方寸七日三

又方蒲黃

滑石各一分

右二味治下篩酒服方寸七日三

治小便不利膀胱脹水氣流腫方

水上浮萍曝乾為末服方寸七日三

治小便不通方

滑石三兩

葵子壹兩

榆白皮壹兩

右三味治下篩煮麻子汁一升半取一升以散二方寸七和

分三服即通

又方水四升洗甌帶取汁煮葵子堅三升半分三服

又方胡燕屎豉各一合麩丸如梧子服三九日三

又方髮去垢燒末葵子一升以飲服方寸七日三

又方石首魚頭石為末水服方寸七日三

又方石槽塞灰土并華水服之日三

又方鯉魚齒燒灰末酒服方寸七日三

又方車前子末方寸七日三服百日止

治卒不得小便方

吞雞子白取瘥葛氏云吞黃

又方車前子把桑白皮兩半

右二味吹咀以水三升煎取一升頓服之

治婦人卒不得小便方

仁人二十枚熬末服之立下

又方紫苑末并華水服三指撮立通血出者四五度服之

治黃疸後小便淋瀝方

猪腎一具切茯苓一斤瞿麥兩車前根斗切二黃芩兩

椒目參合綿裏澤瀉 地膚子各肆兩

右八味吹咀以水二斗煮車前取一斗六升去滓下猪腎煮

取一斗三升去腎下藥煮取三升分三服

治氣淋方

水三升煮船底苔如鴨子大取二升頓服

又方水三升煮鼓一升一沸去滓內鹽一合頓服亦可單煮鼓

汁服之

又方水一斗煮比輪錢三百又取三升溫服之

又方擣葵子末湯服方寸七

又方空腹單茹蜀葵一滿口

又方熬鹽熱熨小腹冷復易亦治小便血時後方治

灸法

臍中著鹽灸二壯葛氏云治小便不通

灸關元五十壯又灸俠玉泉相去一寸半三十壯

治右淋方

右用車前子二升絹袋盛水九升煮取三升先經宿不得食

平旦空腹頓服之右即出備急方云治熱淋

又方取浮右使滿一手許治下篩以水三升酢一升煮取二升

澄清服一升不過三服右出亦治嗽淨酒煎之

又方桃膠棗許大夏以冷水三合冬以湯三合口服日三當下

石子如豆卵石盡止亦治小兒出兒

灸法

石淋臍下三十六種病不得小便灸關元三十壯

又灸氣門三十壯又灸水泉三十壯足大敦是也

治膏淋方

右擣葎草汁二升酢二合和空腹頓服之當尿如小豆汁也

又濃煮汁飲亦治淋瀝蘇澄用療尿血

治五勞七傷八風十二痺勞結為血淋熱結為肉淋小便不通

莖中及小腹痛不可忍者方

滑石 桂心 冬葵子 王不留行 通草

車前子各貳分 甘遂壹分 石韋肆分

小丘山房

喬氏世定刻行

右八味治下節以麻子飲五合和服方寸匕日三服沙石出
一方加榆木白皮參分

灸法

勞淋多足大陰百壯在內踝上三寸三報之治熱淋方

大棗貳拾枚葵根切一升冬用子夏用苗

右二味以水三升煮取一升二合分二服熱加黃芩一兩出

難加滑石二兩末血加茜根三兩痛者加芍藥二兩加藥亦

加水也

又方白苧根切四斤以水一斗五升煮取五升服一升日三夜

二

又方常煮艾葉根作飲服之

治血淋小便礮痛方

雞蘇兩通草

滑石各伍兩竹葉壹把

生地黃半

小薊根兩

右六味以水九升煎取三升去滓分三服溫服

右韋散治血淋方

右韋 當歸 蒲黃 芍藥

右四味各等分治下節酒服方寸匕日三

又方以水五升煮生大麻根十枚取二升頓服亦治小便出血

又方以水四升煮大豆葉一把取二升頓服

又方以水三升煮葵子一升取汁日三服亦治虛勞尿血

灸法

血淋灸丹田隨年壯又灸伏留五十壯一云隨年壯
五淋不得小便灸懸泉十四壯穴在內踝前一寸針行小脉上
是中封之別名

五淋灸大敦三十壯

卒淋灸外踝尖七壯

淋病九部諸疾灸足太陽五十壯

淋病不得小便陰止痛灸足太衝五十壯

腹中滿小便數起灸玉泉下一寸名尿胞一名屈骨端灸二七

壯小兒以意減之

治遺尿小便澀方

牡蠣 鹿茸各肆兩 桑耳參兩 阿膠貳兩

右四味以水七升煮取二升分二服日二

又方防已 葵子 防風各二兩

右三味以水五升煮取二升半分三服散服亦佳

治小便失禁方

以水三升煮雞腸取一升分三服

治失禁出不自覺方

右用豆醬汁和竈突墨如豆大內尿孔中范注云治胞轉亦治小兒

治尿淋方

以取羊肚系盛水令滿線縛兩頭熟煮即開取中水頓服立

瘥

又方取雞臍脰一具拜腸燒末酒服男雌女雄

小丘山房

喬氏世定刻行

又方取羊胞盛水滿中炭火燒之盡肉空腹食不過四五度瘥
又方以新炊熱飯一盞瀉尿林處拌與食之勿令知良
灸法

遺尿失禁出不知灸陰陵泉隨年壯

遺溺灸遺道俠玉泉五寸又灸陽陵泉又灸足陽明各隨年

壯

小便失禁灸大敦七壯又灸行間七壯

尿淋垂兩手兩髀上盡指頭上有陷處灸七壯又灸臍下橫文

七壯

尿血第三方十首

治房勞傷中尿血方

牡蠣

桂心

黃芩

車前子

各等分

右四味治下篩以飲服方寸匕稍加至二七日三服

治小便血方

生地黃八兩

栢葉一

黃芩

阿膠各二兩

右四味以水八升煮取三升去滓下膠分三服一方加

甘草二兩

又方菟絲子

蒲黃

白芷

荆實

乾地黃

酸棗小品作酸醬

芎藭

葵子

當歸

茯苓各等分

右十味為末密丸如梧子飲服五九日三稍加至十九

又方戎鹽六分

甘草

蒲黃

鹿魚膠

芍藥各二兩

礬石三兩

大棗十枚

小丘山房

喬氏世定刻行

右七味呔咀以水九升煮取二升分三服

又方胡麻三升擣細末以東流水二升漬一宿平絹絞去滓煮一兩沸頓服

又方龍骨為細末溫水服方寸匕日五六服張文仲云溫服

又方酒三升煮蜀當歸四兩取一升頓服

又方擣荊葉取汁酒服二合

又方煮車前根葉子多飲佳

又方酒服亂髮灰蘇澄用水服

又方酒服葵莖灰方寸七日三

又方刮滑石末水和傅繞小腹及陰際佳葛氏云治小便不通

又方豉二升酒四升煮取一升頓服

水腫第四

論曰大凡水病難治瘥後特須慎於口味又復病水人多嗜食不廉所以此病難愈也代有醫者隨逐時情意在財物不本性命病人欲食肉於貴勝之處勸令食羊頭蹄肉如此者未見有一愈者又此病百脉之中氣水俱實治者皆欲令瀉之便虛羊頭蹄極補那得瘥愈所以治水藥多用葶藶子等諸藥本草云葶藶久服令人大虛故水病非久虛不得絕其根本有蠱脹但腹滿不腫水脹脹而四肢面目俱腫大有醫者不善診候治蠱以水藥治水以蠱藥或但見脹滿皆以水藥如此者仲景所云

愚醫殺之今錄忌如左其治蠱方具在雜方篇見第七十四卷中

喪孝 產乳 音藥 房室 誼戲

小丘山房 喬氏世定刻行

一切魚 一切肉 一切生冷 酢滑 蒜

粘食米豆油膩

右以前并禁不得食不及不得用心其不禁者拜其本方之下其房室等猶三年慎之永不復發不爾者雖瘥復發不可更治也古方有十水丸歷驗多利大便而不利小便所以不能述錄也

黃帝問岐伯曰水與膚脹腸覃石瘕何以別之岐伯曰水之始

起也目果上微腫靈柢太素如新卧起之狀頸脉動時欬陰股

間寒足脛腫腹仍大其水已成也以手按其腹隨手而起如裹

水之牀此其候也膚脹何以候之膚脹者寒氣客於皮膚之間

殼殼然而堅太素外臺腹大身盡腫皮厚按其腹陷太素而不

起腹色不變此其候也鼓脹如何鼓脹者腹脹身腫大大與膚

脹等其色蒼黃腹脉起此其候也腸覃如何腸覃者寒氣客於

腸外與胃太素氣相薄正氣不得榮因有所擊瘕而著惡氣乃

起息肉乃生始也如雞卵稍以益大及其成也若懷子之狀久

者離歲月按之即堅推之則移月事時下此其候也石瘕如何

石瘕者生於胞中寒氣客於子宮閉塞氣不得通惡血當

瀉不瀉衄以留止日以益大狀如懷子月事不時下此是於女

子可導而下之曰膚脹鼓脹可刺耶曰先瀉其腹之血絡後調

其經刺去其血脉師曰病有風水有皮水有正水有石水有黃

汗風水其脉自浮外證骨節疼痛其人惡風皮水其脉亦浮外

證浮腫按之沒指不惡風其腹如鼓要畧集酒不滿不渴當發

其汗正水其脉沈遲外證自喘石水其脉自沈外證腸滿脉經作痛

不喘黃汗其脉沈遲身體發熱骨滿四肢頭面并腫久不愈必

致癰膿心水者其人身體重腫一作而少氣不得卧煩而燥其人

陰大腫肝水者其人腹大不能自轉側而脇下腹中痛時時津

液微生小便續通脾水者其人腹大肆肢苦重津液不生但苦

少氣小便難也肺水者其人身體腫而小便難時時鴨溇腎水

者其人腹大臍腫腰痛不得溺陰下濕如牛鼻上汗足為逆冷

其面反瘦師曰治水者腰以下腫當小便腰以上腫當發汗即

愈問曰有病下利後渴飲水大便不利腹滿因腫何故師云此

法當病水若小便自利及汗出者自當愈一作滿凡水病之初

先兩目腫起如老蠶色俠頸脉動股裏冷脛中滿按之没指腹

內轉側有聲此其候也不即治之須臾身體稍腫腹中盡脹按

之隨手起水為已成猶可治也此病皆從虛損所致

大病或下利後婦人產飲水不即消三臍決漏小便不利仍相

結漸漸生聚遂流諸經絡故也

水有十腫不可治者有五第一脅黑傷肝第二缺盆平傷心第

三臍出傷脾第四背平傷肺第五足下平滿傷腎此五傷必不

可治

凡水病忌腹上出水出水者一月死大忌之中軍候黑圓治臍

玄水先從頭面至脚腫頭眩痛身虛熱名曰玄水體腫大小便

澀宜此方方見第五卷中

治小腸大小腹滿暴腫口苦燥乾方

右用巴豆三十枚和皮咬咀五升煮取三升綿內汁中拭腫
上隨手可減日五六拭莫近口及陰集驗治身
暴腫如吹

治大腸水乍虛乍實上下來去方
赤小豆升五 桑白皮升二 鯉魚斤四 白木兩八

右四味咬咀以水三斗煮魚取爛勿用鹽去魚盡食并取
汁四升許細細飲下

又方羊肉斤一 當陸升切一

右二味以水二斗先煮當六令爛去滓後內羊肉及葱鼓
酢一如臠法耐後云治卒腫
滿身面浮大

治膀胱石水四肢瘦腹腫方

桑白皮 穀白皮 澤椽葉各三升五

防已 射干 白木各四兩

右七味咬咀以水一斗五升煮取六升去滓內好酒三升更
煮取五升日二夜一餘者次日更服集驗方無澤椽防
已射干只四味

又方桑白皮兩六 射干 黃芩 茯苓 白木各四兩

澤瀉兩三 防已兩二 大豆升三 澤椽升切一

右九味咬咀以水五斗煮大豆取三斗去豆澄清取一斗下
藥煮取三升空腹分三服

治胃水四肢腫腹滿方

猪腎一斤 茯苓兩四 防已 橘皮 玄參

黃芩 杏仁 澤瀉一作澤椽 桑白皮各二兩

猪苓 白木各三升 大豆升三

右十二呎咀以水一斗八升煮猪肾大豆澤瀉桑白皮取一斗澄清去滓內餘藥煮取三升分三服若效加五味子三兩凡服三臍間五日一劑常用有效

有人患氣急積久不瘥遂成水腫如此者衆諸皮中浮水攻面目身體從腰以上腫皆以此湯發汗悉方

麻黃 甘草

右二味呎咀以水五升煮麻黃無沸去沫內甘草取三升分三服取汗愈慎風冷等

治面腫小便澀心腹脹滿方

茯苓

杏仁

橘皮

防已

葶藶

蘇子

右六味為末密丸如小豆服十九以桑白皮湯送下日二加

至三十九

治面目手足有微腫常不能好者方

以楮葉切二升以水四升煮取三升去滓內米煮作粥食如常食勿絕冬則預取葉乾之準法作粥周年求瘥慎生冷一切食物

治大腹水腫氣息不通命在旦夕者方

牛黃

椒目

昆布

海藻

牽牛子

桂心

葶藶子

右七味為末別搗葶藶如膏合和丸如梧子飲服十九日二稍加小便利為度大良正觀玖年漢陽王患水醫所不治

小丘山房

喬氏世定刻行

余處此方日夜尿一二斗五六日即瘥瘥後有他犯因爾殂矣計此即是神方崔氏云密和為丸密湯服

有人患水腫腹大其堅如石四肢細小勞苦足脛腫小飲食便氣急此終身疾服利下藥不瘥者宜服此藥將以微除風濕利小便消水穀歲久服之乃可得力瘥後可常服

鬼箭羽 丹參 白朮 獨活各五兩 秦艽

猪苓各三兩 知母 海藻 茯苓 桂心各二兩

右十味咬咀以酒三斗浸五日服五合日三任性量力漸加之治水腫利小便酒客虛熱當風飲冷水腹腫陰脹滿方

當陸四兩 甘遂一兩 砒硝 芫花 吳茱萸二兩

右五味為末密丸如梧子大飲服三九日三一方有大黃

花各二兩無茱萸加麝香猪苓各二兩大豆散治久水腹肚大如鼓者方

烏豆一斗熬令香勿令大熟去皮為細末篩下錫粥皆得服之初服一合稍加之若初服多從即嫌臭服盡更作取瘥止不得食肥膩渴則飲羹汁慎酒肉內猪雞魚生冷酢骨房室得食漿粥牛年兔鹿肉此據大如渴時食之可忍亦勿食也此病難治雖諸大藥丸散湯膏日當時暫瘥過後復發惟此散瘥後不發終身服之終身不發矣其所禁食物常須少噉莫隨意鹹物諸雜食等

又方葶藶末 蒼耳子灰各二七

右二味水調和服之日二

小丘山房

喬氏世定刻行

又方椒目水沈者取熬搗如膏酒服方寸匕
又方水煮馬籠零服之

治水氣腫鼓脹水便不利方

葇荑子升一 粘羊肺一具青

右二味先洗羊肺湯微淥之薄切曝乾作末以二年大酢漬
葇荑子一晷時出熬令變色熟搗如泥和肺末密合搗三千
杵為丸如梧子大食後一食久以麥門冬飲服四九日三以
喉中乾口粘浪語為候數日小便大利佳山連療韋司業得
瘡司業姪雲表所送云數日神驗

麥門冬飲方

麥門冬二拾五粒 米二拾五粒

右二味以水一升和煮米熟去滓以下前件丸藥逐服作用之

徐王煮散治水腫利小便方

牛角鯁 防已 羌活 人參 丹參

牛膝 升麻 防風 秦艽 生薑屑

穀皮 紫葳 杏仁 附子 石斛各三兩

桑白皮六兩 橘皮二兩 白朮 澤瀉 茯苓

郁李仁 猪苓 黃連各一兩

右二十三味治下節為粗散以水一升五合煮三寸匕取一

升頓服日再不能者但一服二三月以前可服主利多而少

便澀者用之大驗

褚澄漢防已散治水腫上氣方

小丘山房

喬氏世定刻行

漢防已 澤漆葉 石帚 澤瀉各五兩 桑根白皮

白朮 丹參 赤茯苓 橘皮 通草各三兩

生薑十兩 郁李仁

右十二味治下篩為粗散以水一升半煮三方寸七取八合

去滓頓服日三取小便利為度

茯苓圓治水腫甄權為安康公處者方

茯苓 白朮 椒目各四分 木防已 葶藶

澤瀉各五分 甘遂十二分 赤大豆 前胡 芫花

桂心各二分 砒石七分

右十二味為末密和丸如梧子密湯下五九日稍加以知為度

治水腫利小便方

大黃 白朮一作葶藶 木防已各等分

右三味為末密丸如梧子飲下十九利小便為度不知加之

又方牽牛子末水服方寸七日一以小便利為度

又方葶藶四兩 桂心兩

右二味為末密丸如梧子大飲下七九日二以知為度

又方郁李人末麵 各壹升

右二味和作餅子七枚燒熟空腹熟食四枚不知加一枚以

至七枚

又方水銀三兩 葶藶子 椒目各一升 葶藶兩

衣魚殺 水萍 瓜蒂 滑石各二兩

右八味擣葶藶令細下水銀更擣令不見水銀止別擣椒

目令細擣瓜蒂水萍下篩合和餘藥以密和更擣三万杵成
丸初服一丸如梧子次服二丸次服三丸次服四丸次服五
丸次服六丸至七日還從一丸起次服二丸如是每至六丸
還從一丸起始服藥當咽喉上有癰子腫起頰車腫滿齒斷
皆腫唾碎血出勿怪也不經三五日即消所苦皆瘥以上服
藥若下多停藥以止利藥至五下止病未瘥更服病瘥止此
治諸體肉肥厚按之不陷甚者臂粗著衣袖不受及十腫大
水醫不治者悉主之神驗深師集驗陶氏古今錄驗
無衣魚水萍瓜蒂滑石
澤漆湯治水氣通身浮腫四肢無力或從消渴或從黃疸支飲
內虛不足榮衛不通氣不消化實皮膚中喘息不安腹中響
脹滿眼目不得視方

澤漆根拾斤 鯉魚斤五 生薑兩八 赤小豆升 茯苓兩三

人參 甘草 麥門冬各二

右八味以水一斗七升先煮魚及豆減柒升去之內藥
煮取四升半一服三合日三人弱服三合再服氣下喘止可
至四合時時小便利腫氣減或小澹下若小便若大利還從
一合始大利便止若無鯉魚鯛魚亦可用若水甚不得卧卧
不得轉側加澤漆一斤渴加栝蒌根二兩欬加紫苑二兩
細辛一兩欬冬花一合桂心三兩增魚汁二升胡洽無小豆
麥門冬有澤
瀉五兩杏仁一兩古今錄驗無小豆治水在五臟令人欬逆
喘上氣腹大而響兩脚腫目下有卧蠶狀微渴不得安卧氣
奔短氣有頃乃復小便難少而數肺病胃
滿隱痛宜利小便水氣迫肺翁翕寒熱
猪苓散治虛滿通身腫利三焦通水道方

小丘山房

喬氏世定刻行



缺18.19页

猪苓 葶藶 人參 玄參 五味子

防風 澤瀉 桂心 狼毒 椒目

白朮 乾薑 大戟 甘草各二兩 葶藶二兩

女麴合參 赤小豆合二

右十七味治下篩酒服方寸七日三夜一老小一錢匕以小便利為度

治小氣通身治洪腫百藥治不瘥待死者方

大麻子皆取新肥者佳 赤小豆不得一粒雜各一石

右二味皆以新精者淨揀擇以水淘洗曝乾蒸麻子使熟更曝令乾貯淨器中欲服取五升麻子熬令黃香只宜緩火勿令焦極細作末以水五升搗取汁令盡淨密器盛貯明旦飲

又方楮皮枝葉一大束切取煮汁隨多少釀酒但飲醉為佳不過三四日腫少退瘥後可常服之一方用猪椒皮枝葉

又方鯉魚一尺伍寸以尿淹漬一宿平旦以木篋從口貫至尾微火炙令微熟去皮宿勿食空腹頓服之不能者分再服勿與鹽

摩膏治表凡腫病須百方內外攻之不可一槩方

生當陸一斤煎可 猪膏一斤煎可

右二味和煎令黃去滓以摩腫亦可服少許并塗以紙覆上燥輒傳之不過三日瘥

麝香散治婦人短氣虛羸徧身浮腫皮膚急人所稀見方

麝香三銖 雄黃六銖 芫花 甘遂各二分

小丘山房

喬氏世定刻行

右四味治下節酒服五七老小以意增減亦可為丸如小豆

大強者服七丸三治三焦無雄黃深師以密九如大豆服二九日

在腹表用大麝香丸華池方

治虛勞浮腫方

右灸太衝百壯又灸腎輸

孫真人備急千金要方卷之六十四

孫真人備急千金要方卷之六十五

仁五

宋朝奉郎守太常少卿元秘閣校理林億等校正

丁腫第一

論一首 證十五條 方二十九首 灸法一首

論曰夫稟形之類須存攝養將息失度百病萌生故四時伐謝陰陽遞興此二無更相擊怒當是時也必有暴氣夫暴氣者每月之中必有卒然大風大霧大寒大熱若不時避人忽遇之此皆入人四體頓折皮膚流注經脉遂使腠理壅隔榮衛結滯陰陽之氣不得宣泄變成癰疽疔毒惡瘡諸腫至於丁腫若不預識令人死不逮辰若著訖乃欲求方其人已入木矣所以養生之士須早識此方凡是瘡痍無所逃

凡療丁腫皆刺中心至痛又刺四邊十餘下令血出去血傳藥

藥氣得入針孔中佳若不達瘡內療不得力

又其腫好著口中頰邊舌上見赤黑如珠子疼痛應心是也是

秋冬寒毒久結皮中變作此疾不即療之日夜根長流入諸脉

數道如箭入身捉人不得動搖若不慎口味房室死不旋踵經

五六日不瘥眼中見火光神昏口乾心煩即死也

一曰麻子丁其狀肉上起頭大如黍米色稍黑四邊微赤多癢

忌食麻子及衣布并入麻田中行

二曰右丁其狀皮肉相連色烏黑如黑豆甚硬刺之肉內陰陰

微疼忌瓦礫磚石之屬

三曰雄丁其狀頰頭黑壓黑四畔仰瘡胞漿起有水出色黃大錢

孔形高忌房事

四曰雌丁其狀瘡頭稍黃向裏壓亦如灸瘡四畔胞漿起心凹

色赤大如錢孔忌房事

五曰火丁其狀如湯火燒灼瘡頭黑壓黑四邊有胞漿起如赤粟

米忌火炙燥

六曰爛丁其狀色稍黑有白癩瘡中潰潰則有膿水流出瘡形

大小如匙面忌沸熱食爛帛物

七曰三十六丁其狀頭黑浮起形如黑豆四畔起大赤色今日

生一明日二後日三乃至十若滿三十六藥所不能治如未滿

三十六者可治俗名黑炮忌喫怒畜積愁恨

八曰蛇眼丁其狀瘡頭黑皮上浮生形如小豆狀似蛇眼大體

硬忌惡眼看并嫉妬人見之及毒藥

九曰鹽膚丁其狀大如匙面四畔皆赤有黑粟粒起忌食鹹物
十曰水洗丁其狀大如錢形或如錢孔上瘡頭白裏黑膿汁出
中硬忌飲漿水水洗渡河

十一曰刀鎌丁其狀瘡闊狹如薤葉大長一寸左側肉黑如燒
燥忌刺及刀鎌切割鐵刀所傷可以藥治

十二曰浮漚丁其狀瘡體曲圓少許不合長而狹如薤葉大內
黃外黑黑處刺不痛內黃處刺之則痛

十三曰牛拘丁其狀肉炮起搯不破

右十三種瘡初起必先癢後痛先寒後熱熱定則寒多四肢
沉重頭痛心驚眼花則大重者則嘔逆嘔逆者難治其麻子
丁一種始末惟癢所鍊忌者不得犯觸犯觸者即難療其浮

漚丁拘丁兩種無所禁忌縱不療亦不能殺人其狀寒熱與
諸丁同皆以此方療之萬不失一欲知犯觸之狀但春強瘡
痛極甚不可忍者是也

治十三種丁方

右用枸杞其藥有四名春名天精夏名枸杞秋名却老冬名
地骨春三月上建日採葉夏三月上建日採枝秋三月上建
日採子冬三月上建日採根凡四時初逢建日取枝葉子根
等四味並曝乾若得五月五日午時合和大良如不得依法
採者但得一種亦得用緋繒一片以裹藥取匝為限亂髮雞
子大牛黃梧子大反鈎棘針二十七枚末赤小豆七粒末先
於緋上薄布亂髮以牛黃末等布上曝即捲緋繒作團以髮

作繩十字縛之熨斗中急火熬令沸沸定後自乾即刮取擣
作末絹篩以一方寸匕取枸杞肆味合擣絹篩取二匕和合
前一七共三七令相得入分爲一分早朝空腹酒服一分旦
齊州榮姥方凡是丁腫皆用治之

牡蠣以兩者鍾乳

枸杞根皮各二兩

白石英一兩

桔梗一兩

白薑石一斤軟黃者

右陸味各擣絹篩合和令調先取伏龍肝玖升爲末以清酒
一斗二升攪令渾澄清取二升和藥捻作餅子大六分厚二
分其濁滓仍置盆中布餅子於籠上以一幅紙藉盆上以泥
酒氣蒸之仍數攪令氣散發經半日藥餅子乾乃內瓦罏中
每一重紙一重藥遍布勿令相著以泥密封三七日乾以紙

袋貯置乾處舉之用法以針刺瘡中心深至瘡根佯刺肆畔令
血出以刀刮取藥如大豆許內瘡上若病重困日參肆度輕者
壹貳度著重貳日根爛始出輕者半日壹日爛出當看瘡浮起
是根出之候若根出已爛者勿停藥仍著之藥甚安穩令生肌
易其病在口咽及胃腹中者必外有種異相也寒熱不懷疑是
此病即以飲或清水和藥如貳杏人許服之日夜參肆服自然
消爛或以物剔吐根出即瘡若根不出亦瘡當看精神自覺醒
悟合藥以五月五日爲上時七月七日次之九月九日臘月臘
日皆可若急須藥他日亦得要之不及良日也脩合須清淨燒
香不得觸穢毋令孝子不具是人產婦六畜雞犬等見之凡有
此病者忌房室猪羊雞魚生韭葱蒜芸薑胡安葵酒醋麩等若

犯諸忌而發動者取枸杞根湯和藥服拜如後方其貳方本是
壹家智者評論以後方最是真本

趙媯方

薑石

貳拾兩牡蠣

拾兩崔氏

茯苓

兩

枸杞根皮

肆兩

右肆味各擣篩合和先取新枸杞根合皮切陸升水壹斗半
煎取伍升去滓內狗屎崔氏云屎貳升攪令調澄取清和煎藥熟
擣捻作餅子陰乾病者以兩刃針當頭直刺瘡痛徹拔針出
刮取藥末著急內瘡孔中勿令歇氣并遍封瘡頭上即脹起
針挑根即出重者半日已上或已消爛挑根不出亦自瘥勿
憂其病在中者外當有腫相應拜皆惡寒發熱疑有以水半
盞刮取藥如桐子大五枚和服之日夜參服即自消也若須

根出服藥經一日以雞羽剔吐即隨吐根出若不出根亦自
消爛在外者亦日夜三度傳藥根出後常傳勿住即生肉易
瘥若犯諸忌而發動者取枸杞根合皮骨切三升以水五升
取二升去滓研藥末一錢匕和枸杞汁一盞服之日二三服
拜單飲枸杞汁彌佳又以枸杞汁攪白狗屎取汁服之更良
合訖即用不待乾所言白狗屎是狗食骨其屎色如灰故直
言狗白屎也如預造取五月五日七月七日九月九日臘月
臘日者尤良神驗或有人忽喉中痛乍寒乍熱者即是其病
當急以此療之無故而痛惡寒發熱者亦是此病但依前服
之立瘥前後二方同是二法其用一同亦主癰疽其效
治丁腫病忌見麻勃見之即死者方

胡麻 燭燼 針沙各等分

右三味為末以醋和傳之

又方石灰三分 馬齒菜二分

右二味擣以雞子白和傳之

又方針刺四邊及中心塗雄黃末立愈神驗一云塗黃土

又方鼠新坩土以小兒尿和傳之

又方鐵衣末以人乳汁和傳之立可

又方小豆花為末傳之瘡

又方以人屎尖傳之立瘡

又方以四神丹一枚當頭上安經宿根即出矣

治一切丁腫方

右用蒼耳根莖苗子但取一色燒為灰醋泔淀和泥塗上乾

即易不過十度根即拔神良余以正觀肆年忽口角上生丁

腫造其子振家母為帖藥經十日不瘡余以此藥塗之得愈

已後常作此藥以救人無有不瘡者故特論之以傳後嗣丁

腫方殆有千首皆不及此雖齊州榮姓亦方不能勝此物造

次易得也

又方取鐵漿每飲一斗立瘡

又方麩和臘月猪脂封上瘡

又方蒺藜子一升燒灰醃醋和封上經宿便瘡或針破頭封上更封

又方皂莢子取人作末傳之五日内瘡

玉山韓光方韓光治丁腫人也正觀初衢州徐使君訪得此方

右用艾蒿一擔燒作灰於竹筒中淋取汁以一二合和石灰如麩漿以針刺瘡中至痛即點之點三遍其根自拔亦大神驗正觀中用治三十餘人得瘡故錄之

魚臍丁瘡似新火針瘡四邊赤中央黑可針刺之若不痛即殺人治之方

右以臘月魚頭灰和髮灰等分

溲屎和傳上此瘡見之甚可即能殺

外臺不用髮灰以雞子清和塗

又方以寒食餒傳之良硬者燒灰塗帖即瘡治魚臍瘡頭白似腫痛不可忍者方

先以針刺瘡四畔作擣白芎取汁滴著瘡孔內

又方傳水獺屎大良

治赤根丁方

右熬白粉令黑密和傳之良

又方以新空鼠壤水和塗之熱則易

又方馬牙齒擣末臘月猪脂和傳之根即拔燒灰用亦可

犯丁瘡方

蕪菁根 鐵生衣

各等分

右二味和擣以大針刺作孔復削蕪菁根如針大以前鐵生衣塗上刺孔中又塗所擣者封上仍以方寸七緋帛塗帖之有膿出即易須更拔根出立瘡忌油膩生冷醋滑五辛陳臭粘食

又方刺瘡頭及四畔令汁極出擣生粟黃傳上以麩圍之勿令

黃出從旦至午即根拔矣

又方以麩圍瘡如前法以針亂刺瘡銅器煮醋令沸瀉著麩圍中令密一盞冷則易之三度根即出

又方取蛇蛻皮如雞子大以水四升煮三四沸去滓頓服立瘥
又方燒蛇蛻皮灰以雞子清和塗瘥

又方取蒼耳苗擣取汁一二升飲之滓傳上立瘥

又方灸掌後橫文後五指男左女右七壯即瘥已用得效丁腫灸法雖多然此一法甚驗出於意表也

孫真人備急千金要方卷之六十五

孫真人備急千金要方卷之六十六

仁六

宋朝奉郎守太常少卿充秘閣校理林億等校正

癰疽第二

脉七首

論一首
灸法三首

方八十七首

脉數身無熱即內有癰

諸浮數脉當發熱而反洗洗惡寒若有痛處當結為癰

脉微而遲必發熱脉弱而數此為振寒當發癰腫

脉浮而數身體無熱其形默默胃中微燥不知痛處其人當發

癰腫

脉滑而數滑則為實數則為熱滑即為榮數即為衛榮衛相逢

即結為癰熱之所過即為癰膿身體有痛處時時若有瘡

問曰寸口脉微而澀法當亡血若汗出設不汗者當云何答曰

若身有瘡被刀器所傷亡血故也

跌陽脉滑而數法當下重少陰脉滑而數婦人陰中生瘡

論曰夫癰疽初發至微人皆不以為急此實奇患惟宜速治稍遲緩乃即病成以此致禍者不一但發背外皮薄為癰外皮厚為疽宜急治之

凡癰疽始發或似小瘡或復大痛或復小痛或發如米粒大白膿子此皆微候宜善察之見有小異即須大驚忙急須攻治及斷口味速服諸湯下去熱毒若無醫藥處即灸當頭百壯其大重者灸四面及中央二三百壯數灸不必多也復薄以冷藥種種救療必速瘥也

凡用藥帖法皆當瘡頭處其藥開孔令洩熱氣亦當頭以火針針入四分即瘥

凡癰疽瘡石癰結筋癰瘰皆不可就針角針角者少有不及禍也

凡癰無問大小已覺即取膠如手掌大暖水浸令軟納納然稱大小當頭上開一孔如錢孔大帖腫上令相當須臾乾急若未有膿者即定不長已作膿者當自出若以鋒針當孔上刺至膿大好至瘥乃洗去膠

凡腫根廣一寸已下名癰一寸已上名小癰如豆粒大者名炮子皆始作急服五香連翹湯下之數劑取瘥乃止

凡癰高而光大者不大熱其肉正平無尖而紫者不須攻之但以竹葉蕃著湯申其氣耳肉正平為無膿也癰卒痛以八味黃

者散傳之大癰七日小癰五日其自有堅強者寧生破發乳若
熱手不可得近者先內服王不留行散外摩發背膏若背生破
無苦在乳宜令極熟候手按之隨手即起者瘡熟也須針之針
法要得著膿以意消息背不過一寸斟量不得膿即與食肉
膏散著兌頭內癰口中如體氣熱歇即服木占斯散五日後癰
欲著痂者即服排膿內塞散

凡癰破之後便綿悒欲死內寒外熱文腫自有似癰而非者當
以手按腫上無所連乃是風毒耳勿針之宜服升麻湯外摩膏
破癰口當令上留三分近下一分針之務令極熱熱便不痛破
後敗壞不差者作猪蹄湯洗之日二度夏用二日冬用六七日
用湯半劑亦可夫癰壞後有惡肉者宜猪蹄湯洗去穢次傳食

肉膏散惡肉盡後傳生肉膏散及摩四邊令好肉速生當斷絕
房室忌風冷勿自勞煩待筋脉平復乃可任意耳緣新肉易傷
傷則裏潰潰則重發發即難救慎之慎之白痴最忌

凡諸暴腫一一不同無問近遠皆服五香連翹湯刺去血小豆
末傳之其間數數以針刺去血若失療已潰爛者猶服五香湯
及漏蘆湯下之隨熱多少依方用之外以升麻湯搗洗熨之方見

丹毒摩升麻膏方見丹毒篇若生息肉者以白蘭茹散傳之青黑肉

去盡即停止好肉生傳升麻膏如肌不生傳一物黃耆散若傳
白蘭茹青黑惡肉不盡者可以捺頭蘭茹散半錢和白蘭茹散

三錢稍稍傳之其散各取當色單搗下篩直爾成散用之此數

驗用治或身中忽有痛處如遭打撲之狀名曰氣痛痛不可忍

遊走不住發作有時痛則小熱痛定則寒此皆由久時受溫氣至春暴寒風來折之不成溫病乃作氣痛宜先服五香連翹湯摩丹參膏又以白酒煎楊柳皮及暖熨之有赤氣點點者即刺出血也其五香連翹湯及小竹瀝湯可服數劑勿以一劑未瘥便住藥以謂無效即禍至矣中間將白薇散佳又有氣腫痛其狀如癰腫無頭虛腫色不變但皮急痛不得手近亦須服此五香次白針寫之次與蒺藜散傳之

胃中痛短氣者當入閤室中以手指捺左眼視若見光者胃中有結癰若不見光者是癰疽內發出也

經云氣宿於經絡中血氣俱澁不行擁結為癰疽也不言熱之所作其後成癰又陽氣湊集寒化為熱熱盛則肉腐為膿也由

人體有熱被寒冷搏之而脉凝結不行熱氣擁結成癰疽方有灸法亦有溫治法以其中冷未成熱之時其用冷藥帖薄之治熱已成以消熱令不成膿也赤色腫有尖頭者蒺藜膏傳之一云醋和蚌蛤灰塗乾則易之

余平生數病癰疽得效者皆即記之考其病源多是藥氣所作或有上世服石遂令子孫多有此疾食中尤不宜食麪及酒蒜及慎溫牀厚被能慎之者可得終身無他此皆躬自驗之故特論之也

五香連翹湯治一切惡核癰癰疽惡腫患背方

青木香 沉香 丁香 薰陸香 麝香

射干 升麻 獨活 寄生 連翹

通草各貳兩 大黃三兩

右十二味以水九升煮取四升內竹瀝二升更煮取三

升分三服取快利肘後方有紫葛甘草無通草治惡肉惡脉

芒消各六分千金翼云未瘡中間常服也與小兒篇方相重小有異處

黃耆竹葉湯治癰疽發背方

黃耆 甘草 黃芩 芍藥

麥門冬三兩 當歸 人參 石膏

芎藭 半夏各二兩 生薑五兩 生地黄八兩

大棗三十枚 淡竹葉一握

右十四味以水一斗二升先煮竹葉取一斗去滓內藥煮取三升分四服相去如行二十里久日三夜一

八味黃耆散方

黃耆 芎藭 大黃 黃連

芍藥 莽草 黃芩 梔子仁各等分

右八味治下篩鷄子白和如泥塗故帛上隨腫大小傳之乾則易若已開口封瘡上須開頭令歇氣

王不留行散治癰腫不能潰困苦無聊賴方

王不留行子三合 龍骨一升 當歸各二兩

野葛皮半斤 乾薑 桂心各一兩 桔萋根六分

右七味治下篩食後温酒服方寸七日三以四肢習習為度不知稍加之令人安穩不覺膿自潰即著瘡痂平復神良此

浩仲堪方隋濟閣黎所名為神散癰腫即消千金翼云治癰疽及諸雜腫已

潰皆服之

內補散治癰疽發背婦人乳癰諸癰未潰者便消不消者令速潰疾愈方

木占斯

人參

乾薑

一云乾地黃

桂心

細辛

厚朴

敗醬

防風

栝蔓根

桔梗

甘草

各一兩

右十一味治下篩酒服方寸匕藥入咽覺流入瘡中若癰疽灸之不能發壞者可服之未壞者去敗醬已發膿者內敗醬服藥日七八服夜二三服以多為善若病在下當膿血出此為腸癰也諸病在裏惟服此藥即覺其力痛者即不痛長服治諸瘡及疽痔瘡已潰便早愈醫人不知用此藥發皆無有

治者若始覺背上有不好處而渴者即勤服之若藥力行覺消止便消散若雖已壞但日夜服之勿住藥腫自消散不覺去時欲長服者當去敗醬婦人乳癰宜速服之一方無桂心一名木占斯散主癰腫堅結若已壞者速愈未壞者使不成癰便消

仲無桂心劉涓子云此是華陀方

排膿內塞散治大瘡熱退膿血不止瘡中肉虛疼痛方

防風

茯苓

白芷

桔梗

遠志

甘草

人參

芩薈

當歸

黃耆

厚朴

桂心

附子

赤小豆

五合酒浸

右十四味治下篩酒服方寸七日三夜

小丘山房

喬氏世定刻行

猪蹄湯治癰疽發背方

猪蹄一具治如食法

黃耆

黃連

芍藥各三

黃芩二兩

薔薇根

狼牙根各八兩

右七味咬咀以水三斗煮猪蹄令熟澄清取二斗下諸藥煮取一斗去滓洗瘡一食頃以帛拭乾帖生肉膏日一如痛加

當歸甘草各二兩

又方治癰疽發十指或起膀胱及發背後生惡肉者方

猪蹄一具治如食法

當歸

大黃

芍藥

芍藥

黃芩

獨活

莽草各一

右八味咬咀以水三斗煮猪蹄取八升去之內諸藥煮取四升去滓清瘡兩食頃洗之拭令乾傳麝香膏

麝香膏治癰疽及發背諸惡瘡去惡肉方

麝香

蘭茹一作真珠

雄黃

礬石各一

右四味治下篩以猪膏調如泥塗之惡肉盡止却傳生肉膏

食惡肉膏方

大黃

芍藥

莽草

真珠

雌黃

附子生用各一兩

礬石

黃芩

蘭茹各二

雄黃各二

右十一味咬咀以猪脂一升半煎五六沸去滓內蘭茹礬石末攪調傳之瘡中惡肉盡乃止

治癰腫惡肉不盡者方

蒟蒻灰一作蒟灰

石灰時後作白炭灰

右二味各淋取汁合煎如膏膏成傅之食惡肉亦去黑子此藥過十日不中用

又方生地黄汁煎如膠作餅子帖之日四五度食惡肉散方

硫黃

丹砂

麝香

漆頭簡茹

馬齒礬

雄黃

白礬

白礬各二分

右八味治下飾以粉之吮食惡肉

千金翼薄帖篇無白礬雄黃有礬蘆云亦膏和傅之

又方廙瘰癧疽疔毒無丹砂廣濟方瘰癧腫膿潰瘡中有紫肉破不消以此散兌或內蝕之

又方簡茹

礬石

雄黃

硫黃各二分

右四味治下飾內瘡中惡肉盡即止不得過好肉也

生肉膏治癰疽發背壞後生肉方

生地黄

辛夷

獨活

當歸

大黃

黃耆

芎藭

白芷

芍藥

黃芩

續斷各一兩

薤白五兩

右十二味以咀以臘月猪脂四升煎取白芷黃下之去滓傅

之立瘥

又方甘草

當歸

白芷

菴菴

蜀椒

細辛各二兩

烏啄

六分

蛇啣

薤白

二十

乾地黄

三兩

右十味以咀以醋半升漬一宿次日猪膏三斤煎令沸三上

三下膏成塗之立瘥

蛇啣生肉膏治癰疽金瘡敗壞者方

蛇衝

當歸各六分

乾地黃兩

黃連

黃耆

黃芩

大黃

續斷

蜀椒

芍藥

白芨

芎藭

莽草

白芷

附子

甘草

細辛各一兩

薤白一兩

右十八味咬咀酢漬并宿臘月猪脂七升煎三上三下酢盡

下之去滓取傳日二夜崔氏有大戟獨活各一兩無地黃黃連黃耆續斷白芨芎藭白芷莽草

五香湯治熱毒氣卒腫痛結作核或以癰癤而非使人頭痛寒熱氣急者數日不除殺人

青木香

藿香

薰陸香

沉香

丁香各一兩

右五味咬咀以水五升煮取二升分三服不瘥更服并以滓

傳腫上千金翼以麝香代藿香

漏蘆湯下之方

漏蘆

白芨

黃芩

麻黃

白薇

枳實

升麻

芍藥

甘草各二兩

大黃三兩

右十味咬咀以水一斗煮取三升分三服快下之無藥處單

用大黃亦得肘後云治癰疽丹軫毒腫惡肉千金翼無白薇劉涓子無芍藥有連翹治時行熱毒變作赤色

癰疽丹軫毒腫及眼赤痛生章醫若熱盛者可加芒消二兩

經心錄無白薇有知母犀角芒消各二兩此方與小兒篇方

相重分兩服法異

喬氏世定刻行

丹參膏方

丹參

蒟蒻

莽草

蜀椒

躑躅_{各二}

秦艽

獨活

白芨

牛膝

菊花

烏頭

防已_{各一}

右十二味咬咀以醋二升浸一宿夏半日如急要便煎取猪

脂四升煎令醋氣歇慢火煎去滓用傅患處日五六度_{肘後}

風不用防已殆惡肉惡核癰瀝
風結諸腫云此膏亦可服

小竹瀝湯治氣痛方

淡竹瀝_{二升}

射干

杏仁

獨活

枳實

白木

防已

防風

秦艽

芍藥

甘草

茵芋

茯苓

黃芩

麻黃_{各二}

右十五味咬咀以水九升煮取半下瀝煮取三升分四服

白薇散方

白薇

防風

射干

白朮_{六分}

麻黃

秦艽_{五分}

當歸

防已

烏頭

青木香

天門冬

枳實

獨活

萎蕤

山茱萸_{四分}

柴胡

白芷_{三分}

莽草

蜀椒_{二分}

右十九味治下篩以漿水服方寸七日三加至二七

蒺藜散治氣腫痛方

右用蒺藜子一升熬令黃為末以麻油和如泥炒令焦黑以

小丘山房

喬氏世定刻行

傳故熟布上如腫大小勿開孔帖之無蒺藜用小豆末和雞
子如前乾易之妙

藜蘆膏治赤色腫有尖頭者方

藜蘆分二

黃連

礬石

雄黃

松脂

黃芩各八

右六味為末褚脂二升二合煎令烊調和以傳上痛癰頭瘡
極效又治淺瘡經年抓搔癢處成孔者

瞿麥散治癰排膿止痛利小便方

瞿麥兩

芍藥

桂心

赤小豆酒浸

麥門冬

芎藭

黃耆

當歸

白欬各二

右九味治下飾先食酒下方寸七日三千金翼用細辛薏苡

門冬白欬治諸癰潰及未潰瘡
中疼痛膿血不絕不可忍

薏苡人散治腫癰令自潰長肉方

薏苡仁

桂心

白欬

當歸

菴蓉

乾薑各二

右六味治下飾先食温酒服方寸七日三夜二

黃耆茯苓湯治癰疽潰後膿太多虛熱方

黃耆

麥門冬各三

生薑兩

五味子四

芎藭

茯苓

桂心各二

大棗二十

右八味呔咀以水一斗半煮取四升分六服金翼有遠志
當歸人參各二

兩甘草
六兩

小丘山房

喬氏世定刻行

內消散治凡是癰疽皆宜服之方

赤小豆醋一升 升人參

甘草

瞿麥

當歸

猪苓

黃芩各二兩

白欬

薏苡仁

黃耆各三兩

防風一兩

升麻四兩

右十二味治下篩以酒服方寸七日三夜二長服取瘡

猬皮散治癰疽膿血內漏諸漏壞敗男發背女乳房及五痔方

猬皮

蜂房各一

地榆

附子

桂心

當歸

續斷各五分

乾薑

蜀椒

藁本各四

厚朴六分

右十一味治下篩空腹以酒服方寸七日三取瘡加斑猫七

枚益良

凡患腫皆因宿熱所致須服冷藥瘡後有患冷利不止者方

人參

龍骨

赤石膏

甘草

乾薑各二兩

附子一枚

右六味以咀以水八升煮取二升半分三服每服八合

利方 梔子湯治表裏俱熱三焦不實身體生瘡及發癰癤大小便不

梔子仁七枚 磁硝二兩

黃芩

甘草

知母各三兩

大黃四兩

右六味以咀以水五升煮減半下大黃取一升八合去滓內

芒消分三服

五利湯治年四十已還強壯常大患熱發癰疽無定處大小便

小丘山房

喬氏世定刻行

不通方劉涓子名

砒硝一兩

升麻

黃芩各二兩

大黃三兩

梔子仁五兩

右五味吹咀以水五升煮取二升四合去滓下芒消分四服

快利即止

乾地黃圓凡壯熱人能長服之終身不患癰疽令人肥悅耐勞

苦方

乾地黃五兩

芍藥

甘草

桂心

黃耆

黃芩

遠志各二兩

石斛

當歸

大黃各三兩

巴戟天

枯蔓根

人參各一兩

天門冬

茯苓各四兩

右十五味為末蜜丸如梧子酒服十九日三加至二十丸

又方治虛熱消瘡癰方

乾地黃肆兩

大黃分陸

芍藥

王不留行

茯苓

甘草

遠志

麥門冬

人參

升麻

黃芩各三兩

桂心六兩

右十二味為末蜜和丸如梧子大酒服十九日三加至二十

丸久服令人肥健一方有枳實三兩外臺無甘草遠志麥門冬人參升麻黃芩

又方治虛勞客熱數發癰腫瘡癤經年不除方

乾地黃肆兩

黃耆

黃芩

大黃

黃連

澤瀉

細辛各二兩

甘草

桂心

芍藥

茯苓

乾漆各二兩

人參壹兩

天門冬伍兩

右十四味為末蜜丸如梧子大酒服十九日三夜一加至二十九日服延年終身不發癰疽凡方中用大黃薄切五升米下蒸熟曝乾用之熱多倍大黃要籍喻義無澤瀉

地黃煎補虛除熱散乳石去癰瘡痔疾悉宜服之之方

生地黄隨多少三搗三壓取汁令盡銅器中湯上煮勿蓋

覆令泄氣得減半出之布絞去粗碎結濁滓穢再煎令如

錫丸如彈丸許酒服日三勿加之百日癰疽永不發

枸杞煎治虛勞輕身益氣令人有力一切癰疽永不發方

枸杞三十斤剉葉生至未落可用莖葉落至未生可用根以水一石煮取五斗去滓澱將滓更入釜與水依前煮取

五斗并前為一斛澄清去澱釜中煎取二斗許更入小銅

鍋子煎令連連如錫止或器盛重湯煮更好每日早朝服

一合半日再初服一合漸加

治風濕體痛不能飲食兼癰疽後補虛羸方

蓄薇根

枸杞根各一斤食蜜

生地黄各拾斤

右四味咬咀先以水煮二根令味濃取二斛去澱次內地黃

煮令爛絞去滓微火煎令如粥次內蜜耗令相得每食後服

如彈丸許

搗腫方

大黃

黃芩

白欬

砒硝各三分

右四味咬咀以水六升煮取三升故帛四重蘸汁中以搗腫

處乾即易之無度數晝夜為之

又方治癰疽始作腫赤焮熱長甚速方

青木香

犀角

大黃

抱子仁

紫檀香

升麻

黃芩

羚羊角

黃連

甘草

磁硝

射干

黃蘗

白欵各二

地黃汁

五合

麝香一分研入

右十六呎咀以水五升煮取二升小冷故帛兩重蘸湯中搗腫處乾即易之日夜數百度

又方治頸項及背脊有大腫赤發即封之令不成膿方

朴消五兩

香豉

生地黄汁各半

右三味合搗煮令地黃爛熟傳腫處厚二分日三四易至瘡

止此兼治一切腫

又方治癰腫痛煩悶方

右用生椒葉十重帖之以帛裏令緩急得所日二易止痛兼消腫蝕膿甚良勝於他物如冬月先收乾者臨用以鹽潤之亦可薄削楸皮用之

又方治大人小兒癰腫方

右用生豬腦傳紙上帖之乾則易日三四度

又方芥子為末湯和傳紙上帖之千金翼以猪膽和塗之

又方白薑石末蒜和搗傳上

又方搗馬鞭草傳上即頭出

又方灸兩足大拇趾竒中立瘡仍隨病左右

治癰始覺腫令消方

大黃

通草

葶藶

莽草

右四味各等分爲末以水和傳上乾則易之

又方以葶藶末三指撮水和服之日三神良

治癰方

右用芫花爲末膠和如粥傳之

治癰疽發腹背陰匿處通身有數十癰者方

右取乾牛糞燒灰治下節以雞子白調塗之乾復易

若已結膿使聚長者方

右用枯蕒根爲末苦酒和傳上燥復易赤小豆亦佳

治癰有膿令潰方

右用雞羽三七枚燒末服之即潰

又方人乳和麩傳上比曉膿血盡出不用近手

又方箔經繩燒末臘月猪脂和傳下畔即潰不須針灸

治癰腫發背初作及經十日已上腫赤焮熱毒氣盛日夜疼痛

百藥不效方

蝦雞子一枚

子如雞

新出狗屎

子如雞

右二味攪調和微火熬令稀稠得所捻作餅子於腫頭堅處

帖之以紙帖上以帛抹之時時看視覺餅子熱即易勿令轉

動及歇氣經一宿定如多日患者三日帖之一日一易至瘡

止此方穢惡不可施之貴勝然其愈疾一切諸方皆不可及

自外諸方還復備員設儀注而已學者當曉此方以備諸急

爾

烏麻膏治諸漏惡瘡一十三般丁腫五色遊腫癰癤毒熱狐刺
蛇毒狂犬蟲狼六畜所傷不可識者二十年漏金瘡中風皆以
此膏帖之惡膿盡即瘡止痛生肌一帖不換藥惟一日一度拭
去膏上膿再帖至瘡止

生烏麻油斤一

黃丹兩四

蠟四分皆大兩大斤

右三味以臘日前一日從午內油銅器中微火煎至明旦看
消減一分下黃丹消盡下蠟令沫消藥成至午時出惟男子
合之母令小兒女子六畜等見

治諸腫帖方

紫葛分

大黃分五

青木香分一

玄參

白歛

黃芩

黃連

榆白皮

升麻

由跋各三

赤小豆合一

右十一味治下節以生地黃汁和如泥傳腫上乾則易無地
黃汁與米醋和之

松脂膏治癰腫方

松脂半斤

猪脂半合

黃芩

黃耆

黃連

當歸

大黃

芍藥

芎藭

蠟各一兩

右十味其八味吹咀合二脂微火煎三上三下綿及布絞去
滓火灸傳紙上隨腫大小帖之日三易即瘡

又方松脂斤一

猪脂半斤

大黃兩一

白蠟兩四

小丘山房

喬氏世定刻行

細辛 防風 黃芩 芎藭

白欬 當歸 芍藥 莽草

黃蘗 白芷 黃連各半

右十五味呖咀先煎二脂白蠟令烱次內諸藥三上三下以綿及布絞著水中為餅取少許炙之傳油紙上帖瘡處金

翼有黃者壹兩

治癰疽痔漏惡瘡婦人妬乳漆瘡方

野葛 芍藥 薤白 當歸

通草各二分 附子一分

右六味呖咀醋浸半日先煎猪脂八合令煙出內亂髮二分令消盡下之待冷又內松脂八分蠟二分更著火上和次內

諸藥煎令沸三上三下去澤以故帛傳藥帖腫上乾即易如

春月去附子其髮須盡洗去垢不爾令人瘡痛

青龍五生膏治癰疽痔漏惡瘡膿血出皆以此方導之

生梧桐白皮 生桑白皮 生青竹茹

生栢白皮 生龍膽各五兩 蜂房

猬皮 蛇蛻皮 雄黃

雌黃各一兩 蜀椒 附子

芎藭各五兩

右十三味呖咀以三年苦酒二斗浸一宿於炭火上炙乾擣

下細篩以猪脂二升半微火煎攪令相得如飴著末水中新

白瓷器中盛稍稍隨病深淺傳之并以清酒服如棗核大日

小丘山房

喬氏世定刻行

滅癩膏治諸色癰腫惡瘡瘡後有癩痕方

安息香一作女萎 礬石 狼毒 羊躑躅

烏頭 附子 野葛 白芷

烏賊骨 皂莢 天雄 芍藥

芎藭 赤石脂 大黃 當歸

莽草 石膏 乾地黃 地榆

白朮 續斷 鬼臼 蜀椒

巴豆 細辛各一兩

右二十六味搗末用成煎猪脂四斤和以此為準煎三上三下以好鹽一大匙下之膏成須服者與服須摩之忌近眼眼

之忌姓娘人若滅癩者以布揩令傷傳之鼻中息肉者取如

大豆內鼻中如瘀血者酒服如棗核大痔漏者以綿裹如梅

子大內下部中風者摩患上取瘡崩中者亦內其滅癩取少

許和鷹屎白傳之取臘日合神效千金翼有礬石壹兩

治膿潰後瘡不合方

右燒鼠皮一枚為末傳瘡孔中

又方熟嚼大豆以傳之

又方炒烏麻令黑熟搗以傳之

又方牛屎傳之乾即易

又方燒破蒲席灰臘月猪脂和內孔中

治癰久不瘡方

小丘山房

喬氏世定刻行

右用馬齒菜搗汁煎以傳之

治癰癤潰後膿不斷及為諸物刺傷瘡不瘥方

石硫黃粉分二

右一味取筋一片碓碎頭少濕內硫黃中以刺瘡孔瘡瘥為度

治癰肉中如眼諸藥所不效者方

右取附子削令如棊子安腫上以唾帖以火炙之令附子欲焦復唾濕以火炙之如是三度令附子熱氣徹內即瘥此去極妙也

練石散治癰有堅如石核者復大色不變或作石癰方

麤理黃石斤一

鹿角鹿一兩

白欬兩三

右三味以醋五升先燒石灰赤內醋中不限數醋減半止總搗末以餘醋和如泥厚傳之乾則易取消止盡更合諸漏及癰癤其藥悉皆用之仍火針針頭破傳藥又單磨鹿角半夏末和傳之不如前方佳也

治石癰堅如石不作膿者方

右用生商陸根熟搗傳之乾即易取軟為度又治濕漏諸癰

又方蜀桑根白皮陰乾搗末烱膠以酒和藥得腫根即拔

又方菘蓂子為末醋和以傳瘡頭根即拔

又方蛇蛻皮帖之經宿便瘥

又方櫟子一枚以醋於青石上磨之以塗腫上乾更塗不過十

度即愈

又方梁上塵

葵根莖灰各等

右二味醋和傳之即瘥

又方當上灸百壯石子當碎出如不出益壯乃佳凡發腫至堅根者各日

石

禁腫法

凡春初雷始發聲時急以兩手指雷聲聲止乃止後七日勿洗手此後有一切腫及蠍螫惡注腫瘡摩之隨手即消

書腫方

天乙甲一不未乙一不成

右以丹書閉氣書腫上立瘥

治惡毒腫或著陰卵或著一邊疼痛攣急引入小腹不可忍者一宿殺方

以取茴香草搗汁飲一升日三四服津傳腫上冬月關生者

根亦可用此是外國神方於永嘉年未用之起死回生神驗

治風勞毒腫疼痛攣急或牽引小腹及腰髀痛方

右用桃人一升研如常法以酒三升攪和頓服之厚衣被蓋令汗不過三劑瘥

治脚腫向上至腹即殺人者方

右用赤小豆一斗以水三斗煮令爛出豆以汁浸脚至膝每日一度瘥止若已入腹不須浸但煮豆食之忌鹽菜米麩等渴飲汁瘥乃止

麻子小豆湯治毒腫無定處或赤色惡寒或心腹刺痛煩悶者此是毒氣深重所致方

麻子

赤小豆各五升

生商陸二升

附子二兩

射干三兩

升麻四兩

右六味以水四斗先煮四味取二斗去滓次研麻子碎和汁煮一沸濾去滓取汁爛煮豆其汁每服五合日二夜一當利小便為度腫內退即瘥并食豆

治一切腫毒疼痛不可忍者方

以取單麻子熟搗傅之即瘥

治諸瘡著白痴復發方

大蒜

鼠屎

書墨

右三味各等分為末傅之日三

治癩子方

凡癩無頭者吞葵子一枚不得多服

又方生椒末

釜下土

右二味各等分醋和塗之千金翼有麴末為三味

又方狗頭骨

芸薹子

右二味各等分為末醋和傅之

又方燒葛蔓灰封上自消牛糞灰封之亦佳

又方鼠粘根葉帖之

又方水和雀屎傅之

孫真人備急千金要方卷之六十六



